

INKOMBE YA

MUCUNGULO BUSHIKU

 Natotela, nganshi. Shikulu amipale.
Kuti mwaikalako.

² Umwana wandi acisa ileelo, kibili acitla, “Ba Taata, kanshi nga twalimwene cilya chalichi ilyo tatulatendeka ukukula ichalichi cesu, yena nincende iyawama nganshi.” Kibili acilanda palwa . . . Acitla, “Nsilati nkumanyepo bakapyunga, lelo nga baba abantu abasuma nga abakashi babo, mucine ninshi bantu abasuma.” Eico tuli abansansa ukuba pano.

³ Kibili Ine—Ndekabila u—ukulongana kwa muno bushiku, kuli Lesa ukupongolola amapalo Yakwe pali ifwe nokutwafwilisha.

⁴ Nomba ifwe tuli . . . Elyo nacingila, kibili Nacumfwa Munyina Williams, Ndecetekela, acilanda icintu cimo palwa kuba ku Ramada. Kibili Ndemonia ukubilisha nakucitwa, palwa ico. Ilingi line balasakamana pali ico ilyo Nshilaingila. Kibili ifwe mucine tuli nokukabila ukukwata inshita iikalamba kulya ku musonkano. Kibili iciputulwa candi pano cilifye ngo uleya uleshinguluka nokukumanya ababwananyina nokukwata isenge pakati ka bantu, nokupepa ukutila Lesa alatupela u—ukusunkana ukwalungama, kibili nomba ifwe kuti twayafye mukulungatana mu Ramada mumusonkano uukalamba. Kibili eico ifwe tuleesha ukutandalila amachalichi ukulingana nepo twingapela, mpaka ilya nshita. Kibili ifwe tulekwata inshita iisuma nganshi. Ifwe mucine tulekwata inshita iisuma ne senge ilya babwananyina.

⁵ Kibili ilingi line Naba . . . Uuli onse alishiba ukutila Nshaba kashimikila mwine mwine, Nabafye nge taila yakwafwilishako. Lelo Ine—Ine . . . Bukapyunga bwandi kupepela abalwele. Kibili Ine . . . Tulefula nganshi munshita sha bushiku, ne fintu, mpaka tulefilwa ukukwata incende iyalinga iyakucita ico. Kibili ifwe twalaesha nga cakuti twa . . . ilyo twaya muncende umo twingaya, muno, ukupela ifitupa fimo nokuleta abantu kibili ukubapepelako. Lelo ukukwata ukulongana kumo munshita iyabushiku, ifyo tekuti mukwate muno nshita yabushiku kibili nomba kwisafibikapo kuncende imbi ubushiku bwakonkapo, kibili kunuma kuncende imbi, eico muli iyo nshila Mpangile u—ukunono—ukunono ukulanda lyonse munshita yabushiku kabantu, kibili icawamisha ico Ningacita ukuba ngo wa . . . nimukucindikwa no bukata bwakwa Yesu Kristu, kibili Untu twatemwa nokucetekela, nokukwatila pamo isenge.

⁶ Ndemonia mwacumfwa ubusanso pa cifutu, inshitafye inono iyapitapo. Nshishibe nga cakutila umuwaume acifwa, nangu onse ue ena ali, motoka yacipita. Twacimininafye, nokupepa, pakashitafye akapita. Ifikulwa fibili ukufuma pano umo umuntu bacimupunka ukufumina kumbali nokumuposa mumusebo. Kibili kwaciba abantu abengi konse konse. Kibili naba kapokola epo baciba, lelo Nshiletontonkanya ukutila ambulansi naifika nanomba. Bena balingile...Nga cakuti tacifwa, ena awfile acifwa...Bacimupunkila *uku* lubali nokumuposa ukumupisha pacibi ukumutwala uku lubali, eico cena cifwile caciba kupumwa ukwabipisha. Namwishiba, cena cilifye...

⁷ Ifwe tulingile ukubombela Lesa cila miniti. Tatwishiba ninshita nshi—tatwishiba ninshita nshi ilyo ifyo fintu fingacitika. Nalimo tutontonkanya ukutila cena tekuti cibe nifwe, lelo namwishiba ukutila cena tekuti cicitike, namwishiba. Eico, Ndecetekela Yesu atile, “Beni abaiteyanya,” pantu tatwishibe niminiti nshi nangu ora iyo twingetwapo. Kibili nomba tuli nokuya kuncende ukushaba amasanso, kibili takwaba amafya. Natutemwa ukutila kwaliba incende iyaba ngeyo mubulayo.

⁸ Namwishiba, itontonkanyo line, muno bushiku, ilya—ilya kumona ukutila kuti twakabila icifulo nga ico, ico cilelangisha ukutila kuliko icifulo nga ico. Mwamona? Kibili twalishiba ukutila fyonse ifishili fyakukanya, fyonse ifinshingwa, kulingile kwaba icintu cimo icakupanga icinshingwa. Icinshingwa cakulangisha. Eico nga kuliko umweo nga ubu, bwena bushininkisha ukutila cena cinshingwa, lyena kwaliba umweo uwine wine kucifulo cimo wena ulangishishako. Mwamona? Moneni icimuti, ifyo cili icayemba icimuti. Kibili namwishiba ifyo cilya cili? Cena cipasho icishili icituntulu ica, icinshingwa, ica Cimuti ca Mweo mu Muulu.

⁹ Nomba, namwishiba, ilyo Lesa aishile pe sonde, ilyo Ena aleshunda pe sonde pa kutendeka, kibili nalimo icantanshi icintu icaishile ni ka—ka tombolilo, nga fintu abasayansi besha ukulanda. Icakonkelepo cimbi limbi cali icintu cimo... Nalicetekela mukupangika ukwa cine ukwa bwina Kristu, lelo Nshacetekela ukutila fyonse fifuma mukabulungwa kamo. Ndecetekela cenafye...Lesa apangile tombolilo, kibili nomba Apangile isabi, kibili nomba Apangile icintu cimbi. Kibili fye...Ndecetekela ukwisa, te ku kabulungwa kamo kene, lelo icibumbwa icaibela inshitafye yonse.

¹⁰ Kibili mukushalikisha Akonkenyepo, paisa ifyapangwa ifyapamuluko, kibili panuma yakashita akanono yalangishe Umo uwalesunga, ico cali ni Lesa. Nomba, ukushininkisha ukutila ico nacilungama, ilyo Lesa apangilwe mumubili cali ni Yesu Kristu, umuntu. Mwamona? Eico, te Malaika, umuntu. Eico cilelangisha ukutila cena calamulangisha Ena.

¹¹ Kibili, oh, iyi Baibele iya kale yaisulamo filya ifintu ifywamisha ifykakale. Ine fye...Nalitemwafye ukufwailisha apaba amabwe (teifyo?) kibili ukuya fye mulya no kusunkanya ulukungu lonse ukufuma kuli Lyena, kibili noku Lilolesha nokumona ifyo Lyena lili. Ifyo amabwe ayauma umutengo, mwebantu mwalishiba muno mu Arizona, amabwe ayauma umutengo yafuma mulukungu lwamumushili. Uko eko yafuma. Kibili amabwe yauma umutengo ayakwa Lesa yafuma mumushili, nayo. Kibili Ena...Twaliba abansansa ukutila Alitupela insambu ishaibela ishakuya kufikulwa ifyakuwamyia ifikalamba, nefiko fyonse fyafumako.

¹² Namwishiba ifyo balecita? Mucine, imwe mwe bantu bamu Arizona mwalishiba ifyo bena...ilyo tabalakwata ifyakusungulula, ifyo balewamya golide. Balitweba ukutila basendele golide no kuyumaula. Bansamya abakale balecita ico, ukuyuma. Kibili baleipilibula kulya, nokuyuma kibili ukuyuma, mpaka bafumyamo ifiko fyonse. Kibili umusango baishibilemo ukutila ifiko fyonse nafifumamo (yonse pyriti nafigbi ifyabamo, fyonse ifyo), ilyo bena baishibe ifyo, uwaleuma amwene icinso cakwe muli yena, ena aleimona umwine. Nomba ena alemona ukutila yalemoneka bwino, ilyo aimona umwine eka.

¹³ Kibili, namwishiba, Ndetontonkanya ukutila Lessa alefwaya ukucita ku Chalichi Cakwe muli ulya musango, ukupumafye isonde lyonse mpaka ukumonekela kwakwa Yesu Kristu kwikala muli cila umo muli ifwe kibili tulangisha Umweo Wakwe. Lyena ifwe tuli abaiteyanya lyena ku Yakwe...Ena alailangisha Umwine ukupitila muli ifwe pali ilya nshita, ilyo twasenda...ukulambalika icisendo conse nolubembu ulwikala pali ifwe, pakutila twingabutuka nokutekanya ulubilo ulwabikwa kuntanshi yesu, ukulolesha ku Cilangililo, Umwine kibili Kalemba wa Cicetekelo cesu, Yesu Kristu. Uwa nsansa nganshi pali Ico!

¹⁴ Nomba, ilingi line Nanda cila nshita ya bushiku...Natile kuli Munyina Carl Williams, Natile, "Munyina Carl, balya bantu tabafwaya ukungumfwa nakabili, pa mulu na panshi ukupita mumipokapoka, ukubasunga mpaka ama ora yabili nangu yatatu mubushiku."

Atile, "Ukuba, ukuba, isa kuno."

¹⁵ Eico Ndetasha ukushipikisha kwenu mu—mukunjita ukubwela nakabili. Kibili nomba cila nshita ya bushiku...

¹⁶ Nalandile ku mukashi wandi pakashita akapitapo, kulya... Ena ali ku Tucson nomba, kibili Natile, "Imicele yaba shani?"

¹⁷ Atile, "Nakutampa ukukaba." Kibili atile, "Bushe naukonka ubutantiko?"

Natile, "Bwino bwinofye, ukufika ikumi nangu ikumi na cimo cila bushiku."

¹⁸ Natile kuli ena, “Ndi nokutushako ilyo Nkaya ku Arizona iyi nshita pali uku kulongana ukunono. Ndeya kuli yalya amachalichi, kuli balya ababwananyina. Nshakapanike balya bantu, Ndi nokuyafye mulya kabilo Ndi nokuleka ukwimba ukucitwa, ukusangalala. Ndi nokuikaka ne mwine, nalalemba ifyo nefilembelwe ukufika pali nalimo ikumi limo na fisano, amaminiti amakumi yabili, nokutila ‘Ameni’ nokuya ku ng’anda.”

Atile, “Bushe nausunga inshita?”

¹⁹ Natile, “Ee, we mutemwikwa, Ninsunga; lyonse pa mitantikile yamibombele, ukufika ku ma ora yatatu.” Abantu abasuma nganshi; ukushipikisha ukwingi.

²⁰ Ukuba, katukontamike imitwe yesu pakashitafye nomba ilyo tule Mupalama. Nomba, Ndi uwashininkisha ukutila mwibumba ilisuma ilya bantu ngefi abacetekela, kabilo ukucilapo... Ndemona amasansi yabili yali pano, abantu abalwele nokukabila, Ninjishiba ukutila nabakwata ifyakulomba ifyeni. Takuli ukutwishiaka lelo ukutila kuliko bambi abengi abakwate ifyakulomba. Nga cakutila eifyo, imyenifye amaboko yenu kabilo lekeni cishibikwe ilyo mwaimya amaboko yenu. Kabilo nomba mwipepo Nalapitulukamo nokupepelako aba abantu mutumasansi tunono, ilyo—ilyo tuli pano, eico tube abashininkisha ukukwata ico. Nga cakutila icintu cimo cacitika... Bena baciba aba cishinka ukulwetwa pano, Ndefwaya imwe mupepele pamo na ine.

²¹ Taata Wesu uwa mu Myuulu, twabika lubali nomba itontonkanyo lyonse limbi, ukuwamya amano yesu, kabilo twaisa Mukubapo Kwenu mukuwamya imweo yesu. Kabilo twaleta ku cinsu cesu u Mulopa wakwa Shikulu Yesu. Ifwe tulelanda ukutila tatuli abafikapo pe palo ilili lyonse ilyo Imwe mwalapela ifwe, lelo pa mulandu wakutila Ena afwile ukutila ifwe twingapokelela aya amapalo, kabilo mwalitweba ukwisa mukupama ku Cipuna, ukutila ifwe twingakwata inshila kuli aya amapalo ukupitila mukusenamina kwakwa Shikulu Yesu, Uyo uwaishile pe sonde, Emmanueli, kabilo nokubula icifulo ca mubembu. Ena aishileba *ifwe*, oh, icakutila ifwe twaba *Ena*.

²² Wecakucinja we, Shikulu! Uwalubembu, umweo wakuya kumbo untu twakwete, kabilo ukwishiaka ukutila Umo aishile nokusenda ulya mweo pali ena Umwine, kabilo nokuwamya imembu shesu ukupitila mu Mulopa uwasumine uwa Mweo Wakwe Wine. Cena nacicila pafyo imitima yesu nangufye inga tontonkanya, Shikulu. Kabilo nomba, kulubali lwaifyo, Apangile inshila ukusenda amampulu yesu kabilo noku tundapa ukupitila mufipumo Fyakwe. Tuli abatotela ukutila Ena alaile ukutila Ali nokutusunga bwino ilyo ifwe tulebombela Ena.

²³ Kabilo nomba munshita ino iya bushiku, Taata, kuliko ifya kwipusha ifingi ifyo ifilipo...na maboko yabo ayaimako.

Natwishiba ukutila Imwe mwalalolesha pali cila umo pali bena, ukwishiha ico icili pe samba lya kuboko, mu mutima.

²⁴ Kibili Naipusha, Shikulu, ukutila Imwe mwalaibukisha i Cebo muno mu nshita ya bushiku ilyo tulebelenga Cena; kibili nokutonda pali Cena nge sambililo ilinono, kwati ni Sunday school, ukutila ifwe twingakwata pano muno mu nshita ya bushiku kibili—kibili nokukwata ici mukati ka mitima yesu, icakutila ifwe tuleumfwa kwati tuli mupepi na Imwe, tulefuma tuleya, ukucila ifyo twaciba lintu twacisa. Uyo wine emulandu tubelele pano, ukutila cena cingaleta ukupuputulwa ukuya monse mu calo, nokukana ishibafye lintu cena cingatampa, lelo nokwenekela ukulolesha ku ntanshi kuli ico, Shikulu. Ifwe tulebika ku ntanshi ukubomba ukwa muntu ukutila ifwe twingeshiba ifyo twingaleta ukupuputulwa uko ukuleta abaume na banakashi, abalumendo na bakashana, ku kupususha ukwa kwishiba Kristu.

²⁵ Tulefwaya tutotele Imwe pali ici ichalichi, pali kakumba waciko umusuma nolupwa lwakwe, kibili napali ba dikomi bonse, abacetekelwa, na bonse abo cena cimininako. Twa Mitotela pali bonse abo ababa ababulamba abakwiminina nabo. Kibili, mwe Shikulu, twapepafye amapalo yakwa Lesa ukuba pali bena. Paleni ukubomba konse. Lekeni ici cibe icakulolelapo, Shikulu, apo imikonko yonse pano ingesa nokusanga ukutusha. Fikilisheni ico, Taata. Lekeni amapepo yakwa kakumba yasukwe pa balwele. Lekeni amapepo yakwe yasukwe pe pusukilo, kuli bonse abo abaya—mukati ka butantiko bwa Mbila. Lekeni amapalo Yenu yabe pali ena. Kibili lekeni ichalichi cilabulisha icabupe ca bumupashi, lekeni yena ibe incende, ichalcifi cakumwenako kubekashi bonse. Fikilisheni ico, Shikulu.

²⁶ Nomba, mwe Taata, abalele mumasansi muno bushiku, abo abashingekalako nokusangalala mukulongana, nyabo abashikwete iyi insambu. Kibili bena babikilwe muno munshila imo, muno bushiku. O mwe Lesa, kwateri uluse! Ndetontonkanya, “Nga cakutila ulya ali mukashi wandi nangu munyina wandi, nangu umuntu onse uyo uuli ni lupwa, untu Ine naishiba bwino bwino?” Ena ni umo uwa muntu umo, kibili Napepa, mwe Taata, ukutila ukusenamina kwakwa Lesa, pamona maka Yakwe, yalafika mukulubula ukwa maka yakwa Lesa pali bena muno nshita ya bushiku, kibili balubuleni ukufuma mumasansi aya. Mwibaleka ukuba mumasansi ukucila pali kuno kulongana muno bushiku. Lekeni, lintu bena balefuma, amasansi yashale kunuma. Lekeni amaka, ayo ayabushishe Yesu ukufuma kubafwa, yacincimushe imibili yabo ku bumi ubupya nokubakosha nakabili. Fikilisheni ico, mwe Taata wesu. Nomba, natwishiba ukutila Imwe mwalaile ukucita ico.

²⁷ Eico, cena calilembwa mu Malembo ukutila, “Ifi ifishibilo fili nokukonka abo abacetekela. Nga cakutila bena babika

amaboko yabo pa balwele, bena bali nokundapwa."

²⁸ Nomba, mwe Taata, ukutila limbi tekuti kube umuntu umo uo bengasanga, ilyo bambi bena kuti baisanga umo no munankwe, Ine nalaenda mukwibukisha kwa aya amalango. Kibili, mwe Lesa, Ndi nokwenekela ukupokelela kalata ukufuma kuli bena, ukutila cena calicitwa, pantu Ndeya mwi Shina iyakwa Yesu Kristu.

²⁹ [Munyina Branham afuma pa cintamba pali ba mineti batatu na citika ukupepelako bonse abali mumasansi, amashiwi yakwe tayaleumfwika—Kale.]

Shikulu, Ine nacetekela, O mwe Shikulu, Ine nacetekela,
 Ifintu fyonse kuti fyacitwa, Shikulu, Ine nacetekela;
 Shikulu, Ine nacetekela, Shikulu, Ine nacetekela,
 Ifintu fyonse kuti fyacitwa, Shikulu, Ine nacetekela.

³⁰ Namona ukutila bonse babili ba namayo nabawkwata ifyamena, ipwalonda pali umo, kibili, Ine mfwilefyemukwangufyanya napela ubu ubunte bunono, nga cakutila Ine kuti kwaba ukwipifya ukulanda kwandi. ilyo fye nshilaya ku ng'anda, ubwafya bwakulekelesha ubo Nkwete ilyo nshilaya, ubo bwafya ubwa kale, kwaliko na mayo ne shina lyakwe ni Dyer; ena ali, Nalaba ishina lyakwe nomba. Ali ni Dokota Dyer, ukufuma ku Louisville. Na James, Dokota James Dyer, uwaishibisha pa fimena, nefyaba ngefyo, mu Louisville.

³¹ Umwana wakwe umwanakashi alisha icinanda mu chalichi ca The Open Door, muco Dokota Cauble aba kakumba; umwabafye, oh, ibumba ilikalamba, ilya bakalamba be synagogi lyaci Yuda. Kibili umuntu pa lwakwe umwine aba ku Church of Christ, icilonganino ca Church of Christ, kibili apilibwilwe mu kucetekela imbila nsuma iya mwisulo wa Mbila nsuma, umuntu umusuma nganshi. Kibili ena alelisha mukulongana lintu Nakwete kwena mu Louisvilee, pa Memorial Auditorium. Kibili alisungwike pakumona icacitike, kibili aeseshe ukweba ba wishi wakwe palwa ico.

³² Atile, "Cena kwishibafye kwa mano. Balya abantu bena babafye abalwala nga fintu bena batalaba." Kibili eico—eico ena tacetekele Ico.

³³ Mukulekelesha afuminemo mu chalichi, aupilwe ku mulumendo ukufuma museminali ya Baptisti, kibili mukulekelesha afumineko kucicetekelo cakwe. Akanshiwe ukuba kapyunga, nga fintu ba Baptisti bacita ico muli iyo nshila. Kibili eico bena...Mukulekelesha afumineko, talefwaya ukushimikila. Kibili bakukile ku bantu bakwe ku Rockford, Illinois.

³⁴ Mukulekelesha ena, Jean, atampile ukukwata ubwafya bwacanakashi. Aile kuli wishi wakwe ukuya mupima, abwelele ku Louisville ku kupimwa. Kibili, lintu bacitile ico, basangile ico icitwa “icimena icafitulukila,” cena cikala mu masasa aya mwanakashi. Afumishe ico, wishi wakwe, nokubombela ukukalamba, kibili limbi aakenye pakati fimo ifye—ifyepwelonda mukati kakwe. Kibili mukulekelesha... Kibili bamukopele mukushika mumala ne—nokumupela umuti.

³⁵ Kibili eico nomba lintu bena...lintu abwelelemo ku ng'anda, atwalililepo ukukwata ubwafya.

³⁶ Kwati umwaka umo kuntanshi bamubwesesh ku kupimwa nakumbi, kibili bena bafumishe icisa. Kibili lintu balecita ico, wishi, pamo na Dokota Humes, uyo uwaba umo pali ba dokota bakalamba ku Masamba, amubombele, kibili cena cafikile apatali, ipwalonda lyafungilishiwe mubula bukalamba. Eico bena bamushile palya nomba pakashita akanono. Nomba aeseshe ukundapwa kwa kumalaiti nakabili, kibili bamwene ukutila cena calibipishe, eico bamubweseshefye ena ku cipatala ku... Bena tabamupele ena nakabili ifya kuleka amala yakwe ukwenda, eico bena bamuwamishe mukwingisha umuti mubula. Kibili ico cali icakutila amenshi yalefilwa ukuya mumala nakabili.

³⁷ Eico nomba umulume wakwe ali ni umo pali bakapumya bandi. Kibili eico mukulekelesha ubushiku bumo aishile kulya nokubula ibuuku nokutampa ukulibelenga. (Kibili umwana wandi pano na Munyina Sothmann, ni umo pabacetekelwa, ali muno kuncende kumo.) Kibili ena alambalelefye pama sitepu yapa mwinshi, mulandu nshi, palwa nshiku ishingi, mpaka... Ine—Ine nalifuminepo ukuya mukulongana. Ilyo nabwelele Na—Naile mukuya mumona. Kibili ena anjebele, ukutila, “Nomba, ena taishiba ukutila alikwata ipwalonda.” Atile, “Kabiyefye no kulanda naena nokupepa pamo nankwe.”

³⁸ Kibili eico lintu Namulume, atile, “Munyina Branham,” atile, “umulume wandi alasumina ubundapishi bwamaka yakwa Lesa,” atile, “pantu Ine nshamulenenge ukulolesha pali limo ibuuku, nomba alabelenga ibula ne bula kuli ine cila bushiku, muli limo ilya ma buuku.”

³⁹ Kibili Natile, “Nakutuluka ico, Jean.” Kibili Natile, “Nomba, Jean, natulande nokumona ico Shikulu alaland.” Tamuli nangu umo mu muputule, kasunga waba lwele naitamfyamo umwine pa lwakwe. Kibili eico twalandile pakashita akanono, kibili panuma yakashita akanono kwaishile icimonwa. Ine... Ena ali mu myaka ya makumi yaane iya kufyalwa, talati akwate imfwii, lelo ena alemoneka uwa kulishapo kibili uwa mfwii. Natile, “Jean, nomba, iwe walisangwamo mukulongama.”

“Ee, Munyina Branham.”

⁴⁰ Natile, “Bena balifisa ici kuli iwe, kabili banjebele ukutila nilanda ici, lelo iwe walikwata ipwalonda.” Kabili Natile, “Ba wiso na . . . Nangu umulume obe atile, ‘Wilandapo nangu cimo palwa ico.’ Lelo iwe walikwata ipwalonda, Jean. Lelo, nomba, Ndefwaya nkwebe, pantu iwe walesangwamo mukulongana. Icimonwa tacatala acifilwa. Nomba Nalakweba, Jean, ici cili EFYA SOSA SHIKULU! Wamona?” Wamona?

⁴¹ Nomba, iwe nga ulefwaya ukushininkisha icituntulu pali ico, wamona, ukutila . . . ukutila cena ni Shikulu. Te cakukusekesha; *wamona* ico. Wamona?

Kabili nomba Natile, “Iwe uli nokuba no mweo. Bena bali . . . Ena . . .”

⁴² Atile, “Munyina Branham, Ndacipusha ico lyonse.” Kabili atile, “Ukukushiwa mu ng’anda umo bataata baba dokota,” atile, “Ine—Ine—Ine ndacipusha ico.” Atile, “Naletontonkanya pali ico inshita yonse, ifyo efyo cena cabafye.” Twalipepele.

⁴³ Ubushiku bwakonkelepo, ubushiku bwa cibili panuma ya ico, bali nokumutwala mukuya mubombela ukwisula ubula bukalamba. Ico cili, namwishiba, bena kuputula ubula nokubikamo umufuko mukati kabili umulwele aba ifyo fine . . . mpaka bena bafwa, ipwalonda mukulekelesha llabepaya, elyo bafumya amala mumufuko. Kabili ilyofye bena balemupekanya, kabili kale kale bapekanya kabili bamupekanya ukuya pe tebulu lyakubombelwa, ena aleumfwa imyumfwille imo iyali iyeni. Kabili bena . . . atile kasunga wa balwele ukwisa mwafwilishako ukuya mu mu—muputule wakusambilamo. Kabili, lintu acitile ifyo, akwete ukufumya ukwapwililika ukutuntulu. Kabili umulume wakwe—wakwe afililwe ukulaba ico. Kabili ubushiku bwa cibili . . . Tabamutwele kulya. Ubushiku bwa cibili, mucituntulu, panumafye ya mwikulo, kwali kumbi ukufumya ukwa pwililika. Eico ena . . .

⁴⁴ Dokota wakwe bamwitile. Aleshinshimukila nokulila, atile, “Ine tekutifye ncumfwikishe, ifwe tekuti tusange icakumwenako cimo nakalya. Cena nacipwa.”

⁴⁵ Nomba, nomba, we nkanshi yandi umusuma, Nshikwete umulandu uwa kwiminina pano ngo mubomfi wakwa Kristu nokulanda icintu cimo icalubana, pantu Ine ndi nokupingulwa pali bulya ubushiku, ngo wasulwa, nga myalu myalu.

⁴⁶ Nomba, ne Cebo cakwa Lesa icaisulwa, Nshapepeleko nakabili Jean kabili tapali bucishinka ukucila paco Nacitile iwe, mwamona. Ifwe twaensenshefye ukupita palya pa cishibili cinono, ukwishiba ukutila ipopo lya cishinka nalipepwa. Ico capwile palya pene. I Cebo cakwa Lesa calandile ifyo, mwamona, “Ipopo lya cishinka lili nokupususha abalwele.”

⁴⁷ Nomba, Lesa umo wine ulya uwaundepe umwana uwakwa Dokota Dyer, uyo uuli ni Jean . . . Nshishibe ifyo ishina lyakwe lyaba nomba. Lelo ulya umuntu icine cine alipokelela umwisulo

wa Mbila nsuma. ukushimikila kwa kulekelesha pa chalichi, pano epo aikele aleumfwa cena inshita yonse mulya, alelya umulalilo pamo naifwe, kibili ne fintu fyonse fimbii, umusambi wamu Baptisti aishile kuli Shikulu mukwisa batishiwa no Mupashi wa Mushilo. Nomba, ico cilelangishafye ukutila Lesa aba ni Lesa.

⁴⁸ Kibili dokota, wishi wakwe, umuntu watemwikwa, lelo ena tatalile amonapo icintu icili conse nga cilya cacitike.

⁴⁹ Nomba, Lesa alikwata inshita iya fintu fyonse. Kibili ukufuma pakucetekela, imwe bonse babili mwaba abacetekela. Eico inshita shimo shimo ifi fintu filacitikila ku busuma. Namwishiba, Baibele yatila, “Fyena fibombela capamo ku busuma.”

⁵⁰ Nomba, muleibukisha Yobo, yonse amesho yakwe? Nomba, cilya tacali ni Lesa ukukalipila Yobo, lelo cena cali ni Lesa ukushininkisha Yobo umubomfi wakwe. Eico cena cabombele kubusuma, mwamona. Kibili nomba i Buuku lyakwa Yobo lyalembelwe kunkulo shonse, ukuba ubunte. Nomba, Lesa abombele cena kubusuma.

⁵¹ Ibukishenifye, Ine nimpepa, nomutima wandi onse, ipepo lyacicetekele. Imwe cetekeleni ico, kibili kwalaba, ico calaba ico, uyo ewalaba umulandu, monenifye—fye ifyalafumamo.

⁵² Nomba, ukuya mukulungatana mu—mu mbila, (abengi nabeminina), ni mbila fye iinono iya muno cungulo kasuba.

⁵³ Kibili—kibili ibukishenifye nomba, kulya ku—ku Ramada, kuli nokuba bambo bakalandia abasuma ku musonkano waku Ramada uno muku, ba Shimakwebo Abaume, eico imwe... kulya kwine ku Ramada. Eico imwe mufwile mwaba abashininkisha ukwesha ukusangwako kuli uku ukulongana. Munyina Oral Roberts ali nokuba kulya munshita yabushiku iya malila.

⁵⁴ Kibili, nomba, Ndi umusango waciputulwa icinono ica Tucson, Ine ndi nokuba uwaikatililako Tucson. Ifwe tuli nokukwata umo kulya, pamo, uyu Cimo ukakonkapo munshita yabushiku, eico ngacakutila mwasangwako kulya, ukuba, mukese kulya naimwe pamo. Kibili mulingile uku...kuti mwashipikishako pakashita akanono pamo naine, pantu Mfwile ukulanda ico cimo. Eico mukese ngacakutila kuti mwacita pali Cibili iyi kakonkapo... Cimo iyi kakonkapo pa Ramada Motel, ku Ramada Inn, ku Tucson. Kibili, ifyo fine, ifwe bonse twalishiba ukutila Phoenix yabafye kunse ya Tucson. Bonse twalishiba ico, mwamona, eico—eico mukese kulya nokumona ifyo abanensu bamumpili bekala.

⁵⁵ Nomba natwisule muli ba Baibele besu muli Zakaria 14, chapitala 6 na 7, Ndefwaya ukubelenga i...ukufumyamo muli ici ishiwi ilinono ilyamutwe untu Ndefwaya ukusenda.

Kabili cikesa fikilishiwa muli bulya bushiku ukutila ulubuuto talwakamwenekeshe, nangula ukufiita:

Lelo bwena bukaba ubushiku bumo ubo ubukeshibiku kuli SHIKULU, tekasuba, nangula ubushiku: lelo cena cikesa fikilishiwa, ukutila munshita ya cungulo bushiku kukaba ulubuuto.

⁵⁶ Nomba Ndefwaya ukufumya kuli ici, *Inkombe Ya Mucungulo Bushiku*, ukuba ishi...ilya mutwe: *Inkombe Ya Mucungulo Bushiku*. Ifyo fine, kuti twakwata inkombe mukasuba konse, kabili kwalibapo inkombe ukupita monse muli ubu bushiku ubo Alandilepo, lelo kuli nokwisa i Mbila ya mucungulo bushiku. Kabili tulefwaya ukulolesha pali ico munshita ino iyabushiku kabili ukuba munshila iyapala isukulu lyapa Mulungu, ukulanda pali ico pakashita.

⁵⁷ Nomba, ifwe bonse natwishiba ico Zakaria alelandapo, pantu icakutila ena atiile, “Kuli nokuba ubushiku ubukesa ubukatontonkanishiwa kuli Shikulu, ubushakabe akasuba nangula ubushiku; lelo munshita ya cungulo bushiku kukaba Ulubuuto.” Nomba, ngacakutila twalishibe ukutila tabwali bushiku nangula akasuba, bwena bwali nokuba ubwapala u—u—ubushiku ubwashibantukila, ubwapala ubushiku bwa fube fube.

⁵⁸ Kabili twalishiba ukutila ukutumpuluka kwalyenda ukufuma kukabanga ukuya kumboshi. Ukutumpuluka ukukalamba uko twakwata ni China. Kabili ukutumpuluka kwalyenda ukufuma kukabanga ukuya kumboshi, pantu kwena kwakonka akasuba, kabili nomba twalikwata inshila yonse ukuya ku West Coast. Ngacakutila twayako kuntanshi ukucilako, ifwe kubwelela ku Kabanga nakabili, mwamona. Eico ifwe tuli pampela ya bulendo.

⁵⁹ Twacetekela, nga i Chalichi, ukutila i Mbila nsuma yabafye mupepi nokupwililika. Twacetekela ukutila inkombe shikalamba ukupita munkulo shonse shaba, muli shino inshiku shakulekelesha, imyanda ya myaka iingi iya kulekelesha, yalwisha pali ifi ifintu ifikalamba; ukulungamikwa na icicetekelo, Luther; ukushishiwa, ni Wesley; ukubatishiwa no Mupashi wa Mushilo, niba Pentecosti. Twacetekela ukutila ifyo ifintu fyone fiya mukupanga ukupwililika kwa mubili, kwati ciyalilwa na ifya bumupashi.

⁶⁰ Lintu umwana afyalya mucituntulu, cintu nshi cibalilapo? Icintu cakabalilapo cena cilepula, menshi; icintu cakonkapo, mulopa; kabili icintu cakonkapo, bumi.

⁶¹ Yohanne wa Cimo 5:7 itiila, “Kwaba fitatu ifipela ubunte mu Muulu, ni Taata, i Cebo, na u Mupashi wa Mushilo: kabili ifi fitatu fya cimo.” Fyena *fyaba* Cimo; teti ukwate Taata ukwabula ukukwata Umwana, teti ukwate Umwana ukewabula ukukwata u Mupashi wa Mushilo. Mwamona, fyena *fyaba* Cimo. “Lelo

kwaba fitatu ifipela ubunte pe sonde, amenshi, umulopa, na u Mupashi: kibili filasuminishanya muli cimo.” Fyena tafyaba cimo, lelo *filasuminishanya* muli cimo. Mwamona?

⁶² Nomba, kuti waba uwalungamikwa ukwabula ukuba uwashishiwa; kuti waba uwashishiwa ukwabula ukukwata u Mupashi wa Mushilo. Mwamona? Mupashi wa Mushilo e Kubapo kwa mukati ukusangwapo ukwa maka yakwa Kristu, mu Mupashi. Nomba, twamona ukutila icifyalilwa cipashanishiwa nefya bumupashi, eico i Chalichi caba mukupwililika kwa kukula nomba: ukulungamikwa, ukushishiwa, ulubatisho lwa Mupashi wa Mushilo. Ifwe elyo twafuminefyе mu Nkulo Cine lubali ishama Chalichi, ku ng’anda, ukupashanya ifyo bwino bwino.

⁶³ Kibili, ukuba, bushe umuntu uuli onse alitala omfwa yalya ama tepu pa nkulo shama chalichi? Pamuku wakushalikisha Nabikile shonse inkulo ishatantikwa palya pacipampa ica fiita, kibili Taata uwamu Myuulu alishiba ukutila ici e ciine, ilyo Nacipwililishe cena mubusuma ubo Ningacita, pesamba lyakusubwa uko Lesa ampele, ulya Malaika wakwa Shikulu uo mumona pa cikope (abengi balimona cilya icikope, teifyo, lulya Ulubuuto?) Lwena lwaishile mulya mu muputule, kucinso cabantu abaali imyanda itatu nangula imyanda iine, Lwaile mukulungatana kulubali lwacibumba (nga u Lubuuto kwati ngafilya) nokutantika shilya inkulo shama chalichi Ulwine Iweka. Bonse twaiminine palya tulelolesha pali Lwena, twalutambile Lwena lwatantika inkulo ya chalichi yakubalilapo, iya cibili, iya citatu, na iya cine, iya cisano, mutanda, na iya cine lubali.

⁶⁴ Nomba, kuliko abantu abekele pano abo abali ni nte pali ico. Imyeniko ukuboko kwenu nga cakutila ico cili ifyo. Baibebe yatiila, “Mukanwa ka shibili nangu shitatu inte.”

⁶⁵ Umuntu onse aikele palya, alebilikisha nefintu fimbifyonse, Natiile, “Palya! Nomba, mulafwaya ukucimona Cena, umuntu onse kuti alolesha pali Cena.” Yali ni lebeni koloko mukasuba, aiminine palya pene pacibumba, nokutantika shonse shilya inkulo shama chalichi, ico icalifye Mupashi uwacilapo, kibili imfifi ukulangisha ukutila u Mupashi bali ushimishe nokuya ukupita Munkulo ya Mfifi nokwisa bwela nakabili, munshilafye yena Nacilengele. Kibili twalicikwata, ifikope fya cena, nafyonse ifyalengwa, fyakobama pa cibumba. Kibili palya cena califye bwino bwino. Cena cifwile ukuba icakuti u Mupashi wakwa Shikulu walisekelele ukutila ukutila cilya calipwililike, pantu Ena abwelele no kushininkisha cilya ukutila cali icalungama.

⁶⁶ Kibili ifwe tuleikala mu Nkulo ya Chalichi ca Laodekeya, inkulo ya chalichi icikankala ico icitontonkanya ukutila tabakabila nangu cimo, kibili tabaishiba ukutila bali ubwamba,

ababulanda, impofu; kibili tabaishiba ico, mwamona. Nomba, fyonse ifyo, ukupashanya.

⁶⁷ Nomba, akasuba kamo kene akabalika mu...akatula ku Kabanga e kasuba kamo kene akawila ku Mboshi. Nomba, lekeni twiminine fye pali miniti ukupanga umufula wa iyi mbila. Twalishiba ukutila akasuba, ico k-a-s-u-b-a, imibombele ya kasuba. Lelo u M-w-a-n-a wakwa Lesa aikile, mu busuma bwakwa Lesa no Lubuuto lwakwa Lesa, ku Kabanga. Kibili twalikwata imyaka amakana yabili nomba, ukupendelwa kuli Shikulu, Atiile, "Ikaba ninshita iishakabe akasuba nangu ubushiku, bukabafye kwati bushiku ubwashibantukila; lelo mu nshita ya cungulo kasuba kukaba Ulubuuto."

⁶⁸ Nomba, nga mwamona, u Mupashi wa Mushilo wawile pa bantu baku Kabanga mukubalilapo. Nomba ifwe twakwetefye inshita fye iya kwampana ne chalichi nokwikata impela shonse shibili, notuntu utunono utulenga ukuba utwalwishiwa. Lelo nomba munshita ya cungulo kasuba, ku cipandwa caku Mboshi, cena cili nokuba u Lubuuto. Kibili ifwe tuli pali ilya nshita nomba! Ukutumpuluka nakwisa kwati cintu icikalamba icakulepuka ukufuma ku Kabanga, ukulatola ulubembu inshita yonse cena caisa, kibili ena naumwa ku West Coast kwati cakucinga ca maka, kibili ena alipona ukubwelelamo, kibili ne ncende iya oyaonaulwa nganshi iyo Naishiba yaba kululamba lwaku West Coast. Icintu conse ico wingafwaya ukutontonkanyapo, balikwata ico, ulubembu, ukonaika, ukulekana mucupo, ukupaupa, Hollywood, cilya cine icilindi ica kumbo! Ico bwino bwino nacilungama.

⁶⁹ Ine nacetekela muli bu mushilo bwamuli Baibele ubutuntulu. Kibili Ine nshacetekela muli ici icaonaika kibili mu cintu icabola ico iciba ica kumwenako ku cinso ca bantu besu, acitwa Hollywood. Kibili Ine lyonse nshifwaya ico. Kibili Ndetontonkanya umuntu uyo uwakwata u Mupashi wakwa Lesa muli ena kuti aba uwakukana ico, pantu u Mupashi wakwa Lesa kuti wapelo ubunte pali ico "cena cintu calubana" kuli ena.

⁷⁰ Nomba Ndetontonkanya ico cili cimo pali...Twaleya ku Paris ukuya mukupoka ifya kumwenako fya bwamba ukutwala abanakashi besu, nomba Paris ewisa kuno ukwisa senda ifyesu. Mwamona? Hollywood eya cimfyा isonde. Kibili ama fashoni yakwenda ubwamba ayo twakwata ileelo, ukucila France (tontonkanyenifye pali ico!), cilya ica bucakolwa, ukulandisha, incende iya mibele yabipa, kibili cibe Hollywood alicimfyा ico conse pamo.

⁷¹ Kibili ne fitunshi tunshi fyesu fyonse, ne fintu fyonse fyakwata pali fyena tafyafumishiwamo, mwabafye ifya kusekesha ifya fiko, nokonaika ukwa bola, ifya pitafye muli fyonse. Kibili na bantu, ciwa...Tekuti atuleke ifwe ukutuma abana besu ku—kubulangisho bwa fikope imyaka ya fumineko,

ifwe ba Pentecosti bakubalilapo, lelo nomba ciwa alingilamo nokubika cena icalungama mu ng'anda pali ifwe. Mwamona? Eico ena aletelefye ubulangisho bwa fikope mulya mwine.

⁷² Nomba, kibili cena—cena cintu ca—cabipisha u—ukutontonkanya ukutila isonde lyaliletamo uku ukonaika, pantu fyonge ifyaonaika, mwamona, kibili nokufiletamofye muli iyi inshila, ukwisa pamo noku tumpuluka.

⁷³ Lelo inshita yonse... Ndi no kushimikilapo muli bumuo muli ishi inshiku, Shikulu nga atemwa, mu nshiku ishinono, *Mukupena Ukufumyako*. Namwishiba, Ine—Ine ninjishiba ukutila imwe mwaliwishinguluka, kibili eico ifwe—ifwe tumonafye kulya pali ico icilecitika. Lesa aliba uwakucita cimo pamo ne Chalichi Cakwe, pamo, inshita yonse, mwamona, ilyo ifi fintu filetwalilapo. Kibili nomba tuli pa nshita ya kulekelesha, tuletotela Shikulu!

⁷⁴ Cila inkulo yalikwata imbila yaiko ne nkcombe. Lesa alimona ukutila. Conse... Nangufye munkulo ya chalichi, tulesanga ukutila cila imo yalikwete inkcombe, kibili na cila imo yaikele munkulo yaiko; elyo kibili imbi yaisamo, kibili neyo imo yatwalililepo; kibili naimbi yaisamo; ukufika naku nkulo ya chalichi ya cine lubali; cila ulutanda, cila malaika wa chalichi, cila inkcombe.

⁷⁵ Kibili tulesanga ukutila, pa mpela ya nkulo ya chalichi, mulya mu Kusokolola 10, kufwile kwaba ipenga ililelila, kibili kwali amashiwi cine lubali ayalandilwe pa... Tabasuminishiwe ukulemba. Lelo cena calikakatikwe kunuma lubali ye Buuku, ifikakatikilo cine lubali fyali kunuma lubali iye Buuku. Panuma i Buuku lyalembelwe, nomba Lyena lyakakatikwe kulya kwine pamo ne fikakatikilo cine lubali. Nomba, tapali nangu umo uwishibe ifyo fyena fyali. Lelo Cena citila, “Munshiku isha kwa malaika walenga cine lubali kwalandilwe ukuleta i Mbila yakwe,” uyo ni malaika wape *sonde*, nomba.

⁷⁶ Pantu *uyu* Malaika aikile panshi ukufuma mu Muulu; kibili *ici* cali nipe sonde; *malaika ni* “nkcombe,” ni nkcombe yaku nkulo.

⁷⁷ Kibili nomba tulemona ukutila Abikile Uwakwe... akwete umukola mfula pa mutwe Wakwe kibili aimishe ukuboko Kwakwe nokulapa pa Mwine eka ukutila engekala umuyayaya no moyayaya, ukutila takwakabe inshita (lintu aya amashiwi cine lubali yalandile, ifibulukutu cine lubali fyalandile amashiwi yafiko). Kibili Alandile ukutila, “Mwilemba, lelo kakatikenifye Ico.” Kibili tulesanga ukutila cena cali kunse ye Buuku.

⁷⁸ “Lelo lintu malaika uwalenga cine lubali apwishishishe i Mbila yakwe, ubusesemo bwakwe ubwa bushiku, nomba ninshi icankama cakwa Lesa ninshi nacipwa,” umuntu onse alishiba ukutila Baibele efyo yalande. “Ica nkama icakwa Lesa, ifyo Lesa aba, Untu Lesa aba, kibili na fyonge palwa nshila ukuya

mulubatisho ne fintu, fyonse ifyo fifwile fyapwa muli bulya ubushiku.”

⁷⁹ Cila inkcombe yalikwete imbila yaiko, kibili ne—ne mbila kabilis ne nkcombe iya nkulo. Kibili cena cintu icaishibikwa apakalamba ukutila cila inkcombe... Tulasanga nangufye munkulo ya chalichi (kibili munshita ino iya bushiku twalaya mu Cipangano Cakale nokusanga ukutila cena cintu cimo cine) icakutila Lesa atuma inkcombe iya nkulo pa mpela ya nshita; lyonse pa mpela, te pa kutendeka. Pa mpela!

⁸⁰ Nomba, nga fintu inkulo yakwa Luther yapwile, nomba Wesley aishilemo. Kibili lintu ukushilishiwa kwakwa Wesley kwapwile, inkulo yaba Pentecosti yaishilemo. Mwamona? Cena caba ni nkcombe ukwisula imbila iipyapela yankulo yakale. Cena caba ni cila nkulo iyo iyacitwa. Twalishiba ico ukuba icine.

⁸¹ Ici cilabwekeshiapo cila nshita ukupita muli Baibele. Tulasanga ico mu Malembo aya mushilo, ukupita monse mu nshila, ukutilafye pa mpela ya nkulo iyapita naimbi iipyapela ukwisamo, iyo inkulo ilafumapo kibili ne nkulo iipyapela yaisamo, Lesa alatuma inkcombe.

⁸² Kibili nga fintu lyonse—lyonse, inshita yonse ilyo inkcombe yaisa, lyonse ciba ubwite bwakubwelelamo ku Cebo, tacifilwa. Ibukisheni, Ici ekupwililika ukwa busokololo ubwa kwa Yesu Kristu, teti kube nangu cimo icinga lundwako kuli Cena nangu ukufumshiwako kuli Cena. Bwena busokololo ubwapwililika ubwakwa Yesu Kristu. Kibili inshilafye imo iyo ifwe tufwile twaba abashininkisha: nga cakutila icintu cimo caima pakati kesu ico icili icapusanako kuli ubu ubusokololo, nomba cena ninshi cintu calubana. Mwamona? “Cena kubwelela ku Cebo!” Kibili lyonse ukulaita ukubwela.

⁸³ Kibili pa mulandu onse mu Malembo, umulandu onse, Lesa abomfyia kasesema ukwita ilya inkulo ukubwela, lyonse. Iyo te... Iyo, te nshita imo ukufilika, Ena lyonse alatuma ka—kasesema! Kibili nomba mulandu nshi Ena acitila ico? Nipa mulandu wakutila Baibele itila, “Cena nimuli kasesema umo i Cebo cakwa Lesa cishilamo,” kasokolola uwa Cebo.

⁸⁴ Nomba, Ine—Ine—Ine Ndesubila ukutila tabangumfwilile mumbi. Mwamona? Nshilepilibula ukukana umfwikisha bwino, lelo Ndepilibula ukuba uwa cishinka kibili uwaiminina bwino ku bwite. Tulefwaya ukuba ico.

⁸⁵ Nomba, Lesa lyonse abomfyia ka—kasesema, umuntu. Nga mwabomfyia ibumba lya bantu, kulaba ukukwata amano ayapusana pusana; mwamona, cila muntu, abantu babili. Tatalile Akwata bakasesema babili abakalamba pesonde pansiha imo. Ena asenda umo, eico umbi kuti asenda icifulo cakwe ubushiku bumbi, imbila imbi. Ena tatalakwatapo babili, Ena akwata umo pansiha imo.

⁸⁶ Kibili Lesa uwabula impela tacinja ubutantiko Bwakwe, Ena afwile lyonse ukwikala neco Ena atampile naco. Ulya emulanduwine twingakwatila isubilo mufyo Ena alanda, Ena tekuti apilibuke. Nga Ena apuswishe umuntu pa mulingo wacitetekelo cakwe muli Lesa, umuntu umbi ali nokupusushiwa umusango umo wine.

⁸⁷ Ilyo Lesa apangile icifulo uko Ena engakwata isenge necibumbwa Cakwe, Adamu alyeseshe ukuipangila inshila umwine, nokuipangila amabula yamukunyu ayakwe nomukashi, mukupanga ifyakuifimba. Lesa alicikene ico. Kibili Lesa alitontonkenye pabutantiko nangu ubwiminishi Engakumanishamo umuntu nokukwata isenge nankwe, kibili ici cali mulopa wasumine. Kibili Ena tatala pilibula ico.

⁸⁸ Nomba, nga ba Methodisti ku Baptisti, kuti twaposhanya muminwe umo nomunankwe. Lelo pa mulingo pakati kaba Methodisti naba Baptisti tatwakwata ifintu fimo fine, Nde tinita ba Baptisti kibili mule tintila ba Methodisti, nangu munshila imbi. Lelo kwabafye umulingo umo uko abacetekela bonse bengakumana, ico nipesamba lya Mulopa uwasumine. Kulya eko tukumanya nokubika kumbali fyonse ififintu. Eico ifwe bonse tekuti twise mukabungwe kamo, ifwe tekuti tucite ico.

⁸⁹ Utu tubungwe utunono, Ndetontonkanya ukuti Lesa aba muli twena, mucintu conse. Lelo abantu... pantu tuli abapusana pusana. Cila muntu amona icapusanako, cila muntu amona icapusanako, takwaba amano yabili ayaba cimo cine. Takwaba abantu babili ababa cimo cine, batila; takwaba imyona ibili, ifilengo fya fikumo. Mwamona, ifwe twalipangwa abapusana, ulya musango tulingile ukukwata amabumba aya pusana.

⁹⁰ Lelo Lesa lyonse abomba nomuntu umo. Ena tamipususha pantu muli ba Methodisti; Ena tamipususha pantu muli ba Baptisti; Ena tamipususha pantu muli ba Pentecosti. Ena amipususha pantu Ena alibomba umwine na *imwe!* Kibili imwe mwapusukila pali ulyo mulingo, ukutila imwe mwalicipokelela. Eico kanshi, Lesa, pakubomba na imwe, Ena tabomba na imwe mumutande wa chalichi Cakwe, Ena abomba na imwe ngo muntu umo.

⁹¹ Eico ilyo Lesa atumine bakasesema Bakwe, inkombe Shakwe isha mu Cipangano, Ena alandile ku muntu umo, kibili ulya muntu ali nokuleta i Mbila. Bambi bafumine kuli ena, konse, ukuleta i Mbila imo ine. Lelo kwali nokuba incende imo iyakutungulwilako. Lesa lyonse alaikwata. Ndi uwatotela ukutila Ali ikwata muno bushiku; uyo e Mupashi wa Mushilo, nakuba, ifwe bonse twalishiba. Nomba, te bumba limo, lelo Mupashi wa Mushilo e Ncende ikalamba yakwa Lesa. Ilya ni Nkombe yakwa Lesa iya ino ora.

⁹² Nomba, pantu cena caba, kuli kasesema ukutila i Cebo lyonse eko cisa, nga cakutila nikasesema uwa cine uwa Cebo,

Lesa alashininkisha i Cebo Cakwe kuli ulya kasesema.

⁹³ Nomba, kwaliba bakasesema babufi abengi, tulabakwata munkulo shonse. Nga twabwekelamo mu Cipangano Cakale, tulebamona ukwima nokulanda mwi Shina lyakwa Shikulu, kibili cena cali—tacali icalungama. Lesa takwetepo icakucita na cena. Ena tashininkisha nangu cimo kano i Cebo Cakwe Umwine. Nangu cibefyo, Ena tekuti abombe namakwebo Yakwe ngefyo. Mwamona?

⁹⁴ Imwe ibukishenifye, Lesa ashininkishafye i Cebo Cakwe! Kibili kasesemafye uwacine aba... Kibili inshilafye imo iyo mwingeshibilamo nga cakutila ena wacine nangu iyo, kupitila mu Cebo. Ulya emusango uwakumupingwilamo.

⁹⁵ Nomba nga mwalolesha, nga munshiku ilyo—ilyo Mikaya, kulya kwaiminine bakasesema aba ci Hebere imyanda ine, ilyo Ahabu na Yoshofati, kibili atile, “EFYA SOSA SHIKULU, ‘Kabiyen i kulya nokulunduluka.’” Mucishinka balilungike. Elyo Mikaya aitilwe pancende, umo untu bonse bapatile. Nomba, camoneke kwati nga... Imyanda ine (Nshi—Nshilepilibula bakasesema bakwa Baalimi) Bakasesema ba ci Hebere baiminine nomutima umo, kibili batile, “Kabiye kulya ku Ramoth-gileadi, Shikulu alakupala kibili uli nokulunduluka.” Kibili balya bantu tabali babumbimunda, bena bali mucine abaputwamo! Lelo iyabo...

⁹⁶ Nomba mulandu nshi uyu umuntu umo umunono engeshila uweshina lya—lya Mikaya, uyo uwali umwana wakwa Imlah, kibili abwela nokwisa sesema icapusana na bena? Nomba, ico casendele ukushipa, casendele ukushininwa. Mwamona? Lelo aishibe shani ukutila alilungamike? Nga waiminine kulya, kuti wacishiba shani? Inshilafye imo iyo wingeshibilamo, kusuminafye ifyo uyo muntu alelanda nokucipashanya ne Cebo. Mwamona? Nomba, Mikaya aali bwino bwino pa Cebo, pantu Eliya, ulya kasesema umukalamba uyo wakwete i Cebo cakwa Shikulu, elyo atipwile Ahabu na Yesebele nabonse. Mwamona? Kibili Lesa kuti apilibuka shani nokupala apali icitipu? Mwamona, eico cena tekuti cibombe.

⁹⁷ Nomba, tulesanga ukutila Lesa alashininkisha i Cebo Cakwe. Icebo cakwa kasesema, nga ena ni kasesema, lyena cena cili... ena alelanda ukulingana ne Cebo. Baibele itila pacifulo cimo, itila, “Nga bena tabalelanda ukulingana namalango nabakasesema, tamwaba Ulubuuto muli bena.” Nomba kwita... Nomba iyi nkcombe ita Abo abaitwa. Ena alifye uwalungama ne Cebo cakwa Lesa, ukushininkisha ukutila ena ali uwalungama.

Moneni, moneni, nomba twalaita abantu abanono mukati nokumfwa.

⁹⁸ Noa ali ni nte yakwa Lesa pansiita yampela iye lyeshi. Nomba, lolesheni ifyo imbila yakwe yapusana nesonde lyonse

ilyeshi. Mulandu nshi, umuntu bamumwene ngo wafulungana. Mulandu nshi, iyakwe... Lelo, nomba, ena alikwete bwino bwino i Cebo cakwa Shikulu. Nomba, Lesa alilandile ukutila Ena “tekuti asuminishe ulubembu,” eico Ena... ilyo abantu batendeke ukubembuka, nomba Lesa aishileika kabilo Noa ashimikile imbila yanshita yampela. Cali lilali? Ilyofye inshita yampela tailafika, iyi nkcombe yalimine. Lesa atumine uyu kasesema nembila kunshita yampela. Kabilo alesekwa, ukumupumya, ukushentekwa, kabilo ukupusuka kwaliko kwali ukupususha abang’anda yakwe. Ico nacilungama. Takwali nangu umo uwamucetekele. Lelo alikwete imbila yanshita yampela. Nomba, bonse abo abashacetekele balyonawilwe, kabilo balya abo abacetekele imbila balipuswike. Lesa alibapele Umweo kabilo bena balipuswike, kabilo balya abashacetekele Ico balilubile.

⁹⁹ Nomba, Ndepashanya icintu cimo. Moneni Lesa, ifyo Ena acita ici imiku itatu.

¹⁰⁰ Kabilo fitatu nimpendwa iyapwililika iyakwa Lesa. Lesa apwililika muli fitatu, kwati, “Taata, Mwana, na Mupashi wa Mushilo,” kabilo “ukulungamikwa, ukusangululwa, ulubatisho lwa Mupashi wa Mushilo.” Ena apwililika, pantu *fitatu e “kupwililika Kwakwe.”* *Fisano ni* mpPENDWA YA “*kusenamina.*” Cinelubali ni... Impendwa ya “kupepelamo,” *ikumi limo na ibili. Amakumi yane ni* mpPENDWA IYA—IYA “*kucushiwa.*” Kabilo *amakumi yasano* yaba “*ukusangalala,*” ukupepa. “Pentecosti” cipilibula *amakumi yasano.* Kabilo, inshiku amakumi yane Mose aeshiwe, inshiku amakumi yane Kristu aeshiwe, mulemona. Kabilo fyonse filya ifipasho. Nomba, Lesa aba uwapwililika muli fitatu.

¹⁰¹ Kwaba ukonaulwa kutatu. Kumo pali kwena, ilyo Noa aingile *mu cibwato;* umuku wacibili, Loti a *fumine mu—mu Sodomu.* Moneni, Yesu asontelete kuli bena, “Nga fintu cali munshiku shakwa Noa kabilo munshiku shakwa Loti, efyo cikaba na mukwisa kwa Mwana wa muntu.” Moneni! Umo alishile *mo*, umbi aishile *fuma*, kabilo umbi nao aya mu *mulu.* Uh-huh. Mwamona? Uh-huh. Aingila *mukati*, afuma *panse*, aya pa *mulu!* Nomba, bulya ebutantiko bwakwa Shikulu. Mwamona, Yesu asontelete kuli balya bakasesema babilo. “Nga fintu cali mu nshiku shakwa Noah,” mwamona, “kabilo nga fintu cali munshiku shakwa Loti,” Abrahamu ukuba kasesema, “nga fintu cali, efyo cikaba na mukwisa kwa Mwana wa muntu.” Mwamona, ukusontelela kunuma kuli bena.

¹⁰² Nomba, Mose, kasesema umbi, pampela ya nkulo ya bena Egypto. Tulesanga ukutila ilyo Lesa aali nokupokolola abantu Bakwe, kabilo abena Egypto balibacushishe nganshi, nokubapanga ababomfi babo, abakalamba pali bena, nangula. Kabilo eico lyena lintufye ukonaulwa kwabo takulabako, Lesa, ngefyo lyonse, Ena atumine kasesema ne Cebo cakwa Shikulu.

Ibukisheni, kasesema alelangisha bwino bwino ico Lesa (imyaka imyanda kunuma yaico, imyanda ine nafimbipo imyaka ilyo cilya tacilabako) alaile Abrahamu, ukutila aba bufyashi bakwe bakekala mumpanga imbi, lelo Ena akabafumya nokuboko kwamaka. Namwishiba, palya pa cimpusa calebilima lintu Mose akumenye Lesa, kabili Ena atiile kuli ena, “Nalyumfwapo pafya bantu Bandi, Nalimona ukucula kwabo, kabili Ndeibukisha icipangano Candi.” Ukwibukisha i Cebo Cakwe!

¹⁰³ Ibukisheni, Ena acili aleibukisha i Cebo Cakwe! Mwamona? Ena tafilwa, Ena alingile ukucita icintu cimo cine cila nshita. Umulandu Ndelandila ifi fintu, nipakutila twingafibiika mumano yenu nokutontonkanya. Nangula imwe mwe bantu mwe balwala; namumona Nacitila “mweba” lwala.

¹⁰⁴ Nomba, moneni nomba, imwe mwe bantu bonse mulingile ukwibukisha ici, ukutila Lesa tekuti apilibuke! Ena ni Lesa uushipilibuka. Inshita shilapilibuka, abantu balapilibuka. Lesa alishiba fyonse, Ena tekuti apilibuke! Ena...Ena afwile aba cimo cine, mailo, ileelo, umuyayaya, Ena afwile lyonse ukuba uwa mweo. Kibili nga twalicetekela Ici ukuba i Cebo cakwa Lesa, kuti twabika isubilo lyesu pacintu icili conse ico Alandile. Mwamona?

¹⁰⁵ Nomba, mulemona kulya ifyo imfila Yakwe yaisa, ifyo Ena atuma imfila Yakwe. Ena tekuti apilibule ico, Ena lyonse alacicita. Ena afwile lyonse ukuba cimo cine. Iyo enshila Ena lyonse ali nokucitilamo ico. Nomba, ibukisheni, nililali Ena acicita? Lintufye ukonaulwa takulacitika, kumpelafye yankulo. Iyo e lintu Atuma imfila Yakwe kukwita abantu Bakwe, (bena lyonse balabasankanya), kabili aba baisa.

¹⁰⁶ Nomba, munshiku shakwa Mose, abacetekela balipuswike, abashacetekela balifwile.

¹⁰⁷ Uyo uwacetekele imfila yakwa Mose ukufuma kuli Lesa, nomba, bena nga tabacicitile kanofye Mose nga ali uwashininkishiwa na Lesa kabili ukushininkisha ukutila i Cebo cakwa Lesa cali pamo nankwe. Ico camulengele ukuba kasesema. Alifumine kulya kabili atile, “Mailo, nga ino nshita, uli nokumona *ifi-na-ifi* fyacitika.” Mailo, calicitike. Epelafye. Kasesema uuli onse uwacine uwakwa Lesa uyo ulanda mwii Shina lyakwa Shikulu ali nokucicita. “Kabili cikesa fikilishiwa ukutila *ifi-na-ifi* fikacitika. Ndeya kuli Farao, lelo ena akatalama, umutima uwakosesha. Ena akatila akatulekako ifwe ukuya lelo takacitice.” Kabili, cena caishile fikilishiwa. Mwamona? Mulandu nshi? Nomba abantu balishibe ukuti uyu muttu atuminwe ukufuma kuli Lesa. Kabili elyo batendeke ukumona ukutila Lesa ali mupalile, kabili bali mucindike kabili, ilyo bacitile ico, ifintu ifikalamba fyalicitike.

¹⁰⁸ Kabili abantu abo abasekele nokushenteka kabili tekuti basumine imfila yakwe, balifwile pamo nabashala

abashacetekela.

¹⁰⁹ Lelo abacetekela baile kunse nokwingila mumpanga yabulayo, bena baile pesamba yambila yasubwa iyankombe. Yali nimbila yakupususha, iyo Lesa alaile ukuti Akaleta abantu Bakwe ku calo icilefumfumuna ishiba nobuci. Kibili calicitike, pantu Lesa eyfo alandile kale, kibili Mose alishile kibili ali uwashininkishiwa nge nkcombe ya bulya bushiku.

Nomba, ico ecileta palwalala nganshi kuli ifwe.

¹¹⁰ Cisuma, nomba twasanga ukutila Mose aali uwaishibikwa munshila iyalungama.

¹¹¹ Kibili elyo pakupilibuka kwanshita, inshita yalishile kuli... pakati kamalango nokusenamina. Kwali nokwisa inshita ilyo uyu Messiya alandile ukutila ali nokwisa. Tulesanga ukutila inshita iyo abantu bapilibwile amafunde, bapangile fyonse mwibumba ilikalamba ilya cintu cimo, kibili balikwete imisango yonse iya—iyantambi shamuntu, balibikilemo muli cena. Pakucinja kwa nshita kwaishile Yesu, Kasesema naumbi, Lesa-Kasesema.

Nomba, mwatila, “Ena tali ni kasesema.”

¹¹² Baibele yatiila Ena aali. “Shikulu Lesa wenu akemya Kasesema uwaba nga ine.” Ena aali ni Lesa-Kasesema, pakucinja kwanshita pakati kamalango nokusenamina, ukutila Ena alandile pali yonse iyi myaka. Panuma Apela ifunde kuli Mose, nomba pakupilibuka kwanshita, ilyo Amwene ukuti kuti cacitwa, lyena Aishile kukusenamina. Kibili Atumine Kasesema ukusesema pa nshita. Nomba—nomba, abacetekela, Ena alebalonganya; abashacetekela balyonaike mubushiku Bwakwe. Bonse abo abacetekela pali Ena balipuswike; bonse abo abashacetekela imbila Yakwe balilobele.

¹¹³ Ico ni filya finefyе ico cacitike munshiku shakwa Noa; ico ecacitike munshiku shakwa Loti; ico ecacitike munshiku shimbi, inshiku shakwa Mose; ico ecacitike munshiku shakwa Yesu Kristu. Pantu bena basulile imbila nokonaika, kibili balya abo abacetekela imbila balilubile... nangu balipuswike.

¹¹⁴ Nomba, nomba, elyo kwaisa inshita yamachalichi. Twaikele munshita yakwa Noa, munshiku she lyeshi; twaisa mubupungishi bwa malango; kibili munshita yakusenamina, ichalichi. Kibili nomba inshita yachalichi ilepwa. Ifwe bonse twalishiba ico.

¹¹⁵ Nomba, nga Lesa alicitile *ici-na-ici* muli ilya nshita, muli shilya shimbi inshita shibili, Afwile aba umo wine nokucita cimo cine muli ino inshita, pantu Ena atile kuti Acicita. Nalacishininkisha mumaminiti ayanono, ku Cebo, ukutila Alandile ukuti Akacita ico. Nomba, Ena tekuti apilibule ubutantiko Bwakwe, Ena ni Lesa. Moneni ifyo Acitile muli shilya inshita.

¹¹⁶ Nomba tuleisa kumpela yanshita yachalichi. Ico eco Nacibelenga muno nshita yabushiku:

Cikaba Ulubuuto mu nshita ya cungulo
bushiku.

¹¹⁷ Twalikwata inshita iingi iyabipa, lelo kukaba Ulubuuto. Umwana umo wine uwaisihile pilibula inshita lilya, aisa nakabili! Ico cikaba ukufuma pe sonde ukuya ku Bukata. Tukaya muli ico. Inshita imo twa *lingilamo*, inshita imbi twali *fuminemo*, kibili ino nshita tuleya pa *mulu*! Mwamona? Cisuma: mukati, kunse, pamulu. Ifwe tuleisa kunshita yampela. Kibili ifwe tatuleisafye, ifwe natufika kale. Ifwe tuli kunshita yampela!

¹¹⁸ Cinshi ico Lesa asanga muli ino nshita ya mpela? Lesa alasanga muli ino nshita yampela filya finefye ifyo Ena asangile munshita shampela, ukukana cetekela! Ena lyonse aba ico, Ena, ilyo Ena aisa, Ena—Ena asanga ukukana cetekela. Asanga ukutila ubutantiko ubo Apela kabantu . . .

¹¹⁹ Kunuma kulya munshita yakwa Noa, bena nga cakuti baikalile mufipope Fyakwe, bapele amalambo . . . Bafumine kuli cena. Ilyo Aishile, Asangile ici, ico cintu ukubomba mucilubo.

¹²⁰ Icintu cimo cine ico Ena acitile ilyo Ena aishile pesonde, Asangile abantu na ba Fariseo, kibili na fimbipo, panuma ya malango. Cinshi ico balecita? Tamwabafye ubufumacumi muli cena nakalya, twalilifenifye ukuya pantanshi nokucitulika mu musango uuli onse uwakale, kibili “Cikulufye bailunda kuchalichi, kibili ifyofye fyeka efyo balekabil.” Kibili ifyo efyo Asangile.

¹²¹ Kibili ifi efyo Asanga nakabili! Asanga icintu cimo cine, abantu tabapilibuka. Eico nga cakuti Atumine ubutantiko Bwakwe kibili abantu tababucetekele kulya kibili balyonaike, bena babucetekele nokuba nomweo, (nomba, pali balya bibili), cilingile ukuba cimo cine pali ino nshita. Cilingile ukuba cimo cine. Iyo . . .

¹²² Cena lyonse cabu ubulwi ku nkcombe ukupatula icakale ukufuma ku cipy. Lyonse cabu bulya ubulwi, ku—kunokmbe ukwisa patula icakale kucipy, nangula lyonse imbila ilingile ukuba mu Fyalembwa, nomba, pantu cila umo alandila kabela umunankwe ukwisa.

¹²³ Nomba, lekeni tusende, tutile, Yesu. Ifyo cena cali icakosa, Ena ukwisamo nokupilibula imbila ukufuma ku malango ukuya mukusenamina. Lelo Baibele yatile cikesa muli iyoine inshila, “Kukesa— Messiya, kibili ilambo lya cila bushiku likafumishiwapo.” Kibili twalishiba ukutila calisesemwe ukupitila muli bakasesema. We iiintu icikalamba we kuli Ena ukucita ico. Lelo tulesanga ukutila Ena alicitile ico. Kibili umo . . . Ena alicitile pantu Amalembo yatila, kibili

abacetekela aba bulya bushiku (abo abaitunga ukucetekela) mucine tekuti basuminishanye pamo Nankwe.

¹²⁴ Lolesheni kuli balya aba Fariseo, aba Seduke, balikwete intambi shabo abene kabili takuli nangu umo uwali nokubasunkanya ukufuma kuli cena. Ifyo efyo bena bacetekele, ba nyinabo bacetekele ico, bashibo bacetekele ico, kabili bawishikulu, banakulu bacetekele ico, kabili "Mose efyo alandile!" Lelo Mose umo wine uwapele amalango ali umo wine Mose asosele uyu Muntu ukuti akesa, kabili balifililwe ukucishiba pantu balikwete i Cebo ica cine icakwa Lesa muntambi kabili balifumine pefunde iline line ilya Ciko. Kabili cena cali nokuba muli ilya nshila.

¹²⁵ Moneni, cila umo alandile kabela ukutila umubiye ali nokwisa. Cila umo uwa nkcombe, panuma ya mbila, ukulandilwa kabela cikesaisa. Nomba, lelo abantu lyonse balasenda imfila ya bushiku ubo bakwata, bena balaibika.

¹²⁶ Lekeni tuciputaule, ukucitwala ukuyako kukupwa, natuloleshe pali Luther. Ilyo Luther ashimikile ukulungamikwa kucitetekelo, ena ali ninkombe, malaika uwa ilya nkulo yachalichi, cisuma, uwa Nkulo ya Chalichi ca Sarde. Nomba, moneni, ilyo ashimikile, abikile ba Lutherani mumutande. Nomba, elyo, apa paile Luther alesabankanya. Kabili ilyo Wesley aishilemo, Inkulo ya Chalichi ca Filadefia, nembla yakusangululwa, mulandu nshi, cali icakosa kuli Luther ukumona ico. Balya ba Lutherani tekuti bacetekele ico.

¹²⁷ Kabili nomba ilyo Wesley abalekele bonse ukwikala ukufika ku Pilgrim Holiness naba Free Methodisti, kabili na imbipo, pakusangululwa, kabili kulya kwaishile imfila ya Pentecosti, mulandu nshi, cali icakosa kuli ba Methodisti ukucetekela ico. Uh-huh, mucine, efyo cali. Mwamona, cena ni . . .

¹²⁸ Lelo nomba umo alelanda palwa umbi, ukulanda kwa mu Malembo. Enoki alandile pakwisa kwaboni, mukusumbulwa kwakwe, Lesa ukumutwala ku ng'anda; ena aali nikambone. Abrahamu abebele pali Mose. Kabili Mose alandile pali Messiya. Mwamona, bena baletwalilila ukulanda, umo kumunankwe. Messiya alandile pali ino nshita, ukulanda ifyo ici cikaba!

Mwatila, "Oh, Munyina Branham!"

¹²⁹ Oh, ee, Alicitile ifyo! Lekenifye . . . Ninkwata Amalembo ayengi ayalembelwe pano, kabili Nalasontelelafye kuli yabili nangu yatatu palwa yena. Natubule Mateo 24. Nomba natubule Mateo, chapitala 24, nokubelenga ifyo Alandile kulya kufyali nokucitika, ifyo "Ifyalo fikemina ifyalo." Lelo, ibukisheni, nomba Aisa kulya lubali kabili Atila, "Nga fintu cali munshiku shakwa Noa, kabili nga fintu cali munshiku shakwa Loti, efyo cikaba namukwisa kwa Mwana wa muntu." Alicilandile kabela, Alandile kabela ukuti ifi fintu fikacitika!

¹³⁰ Atile, “Nomba, ilyo fyonse ifi fyalecitika, inshita tailati ifike,” nafimbipo. Lelo atile, “Sambilileni umulumbe wa mukunyu, ilyo uli uunono nokukwata imisambo, kabili nefimuti fimbi fyonse, lyena muleshiba ukutila ulusuba luli mupepi. Ifyo fine, ilyo mwamona ici caisa fikilishiwa, ishibeni ukutila inshita ili mupepi, nangula pa mwinshi.” Nomba, nga mwamona cinshi? Icimuti camukunyu cayemba nafimbi ifimuti fyayemba, cali cishibilo. Kabili Israele lyonse aba cimuti ca mukunyu.

¹³¹ Yoele aliseseme pali cena, “Ifyo makanta uusenya alile, makanta uusenya alile nokufumyapo icintu. Lelo Lesa alilaile ukutila, ‘Nkabwekeleshapo, efya sosa Shikulu.’” Kabili Akacicita. Lelo ilyo Ena talabwekeleshapo cilya ukubwelela kumibebe yaciko iya bumupashi, i Chalichi ca Benafyalo cilingile ukufumishiwapo. Ena takakwate yabili panshita imo ine. Nomba, imwe tekuti mulenge Amalembo ukuifulunganya ayene ngefyo. Mwamona? Ena tatalile kwata inte shibili panshita imo ine, bakambone abakalamba, kabili Ena tatalile kwata—Ena tatalile... Ena takwata ama Chalichi yabili panshita imo ine.

¹³² Moneni, cena... Chalichi ca Benafyalo cilingile ukusendwa intanshi, kuba Yuda, elyo impela ya milungu Amakumi cinelubali yakwa Daniele yacitika. Imyaka itatu na citika Messiya aliseseme, kabili elyo Apatwilwe ukumufumyapo, Cilolo, mukati ka mulungu uwalenga amakumi cinelubali. Kabili, nomba, kuliko imilungu itatu na citika iyasheleko libe. Kabili tulesanga bakasesema babili aba mu Kusokolola (Ena tatala cinja ikoti Lyakwe nakabili), mu Kusokolola 11, aikila nobusesemo kuba Yuda. Nomba, i Chalichi cisendwa pali ilya nshita.

¹³³ Kabili tulemona Israele, umuku wakubalilapo pamyaka imyanda ingi, mupefife ukucila imyaka amakana yabili, yasanguka icalo; umulola wakwe uwankondo, indalamu shakwe. Israele ali mumpanga yakwe; icalo cakwe, nemendela yakwe umwine, ukuba membala waku United Nations. Ena calo! Mulandu nshi, cena caba cimo pa fishibili ifikalamba ifyo twinga tontonkanyapo, ino ine nshita, Israele mu mpanga ya kumwabo. Kabili Yesu atile, “Ino nkulo iyo imona Israele ukubwelelamo ku mpanga ya kumwabo tayakapite mpaka fyonse fikafkilishiwe.” Mwamona, Ena alandile palwa buno bushiku.

¹³⁴ Lekeni mpelefye nacimbi. Muli Timoti Wacibili 3, Alandile pali chalichi panshita yampela, atile, “Bena bakaba bacintalika, abatumikwa, abatemwa ukwangala ukucila ukutemwa Lesa.” Sendeni icalo cachalichi, uku, “abatemwa ukwangala ukucila ukutemwa Lesa,” bekala kung’anda nokulatamba ubwangalo pacitunshi ilyo tatulaisa mukulongana kwa mapepo pali Citatu ubushiku.

Mwatila, “Abo ni ba Baptisti.”

¹³⁵ Balya ni ba Pentecost! Mucine! Ee, mukwai. Oh! “Bacintalika, abatumikwa, abatemwa ukwangala”; babikile i Cebo palya pene pesamba ya myona shabo, taba Ciloshe. Uh-huh. “Abatemwa ukwangala ukucila ukutemwa Lesa”; ebeni abanakashi tabalingile ukubeya imishishi yabo, balaciputula nangu cibe ifyo. Uh-huh. “Abatemwa ukwangala ukucila ukutemwa Lesa, bakatoba bafipangano, ababepesha, abashaikatana, kabilo abapata abo abalungama. Abakwata . . .”

Mwatila, “Uyo musenshi.” Iyo! Iyo!

¹³⁶ “Ukukwata imibele yabukapepa, lelo ukukana Amaka yabuko,” a Maka ayenga kwafwa ukufuma kukucusha uku, imibombele yamwisonde. “. . . Amaka yabuko; kuba mibebe iyi talukako.” Wisakamana ifyo abashala abantu balelanda, niwe nga umuntu palobe ukwiminina kucinso cakwa Lesa, ufwile ukwasuka. Te mulandu ifyo uyu mwanakashi acita nangu ulya umwanakashi acita, nangu, uyu mwaume acita nangu ulya mwaume acita, nangu, uyu kashimikila alanda nangu ulya kashimikila alanda; cena nimwe na Lesa. “Ukukwata imibele,” ukukonka intambi, “lelo ukukana Amaka yabuko; kuba musango uyu talukeniko.” Bushe tuleikala muli bulya bushiku? Ifwe mucine emo tuleikala!

¹³⁷ Lolesha nakabili muchalichi cakulekelesha. Mupashi wa Mushilo, Yesu Umwine, “Ine Yesu natumine malaika Wandi ukupela ubunte pali ifi fintu.” Kibili Ukusokolola, chapitala 3, ilelanda pali iyi nkulo yachalichi, Yesu alepela ubunte pafikacitika munshiku shakulekelesha, Atile, “Ichalichi eikesaba icanonka, Laodikeya, ica cifulefule,” kuti catolokafye mumbali icalinga ilyo inyimbo shilelila ukubilikisha. Mwamona? Ico nacilungama. Lelo pabunte nomweo uyo ukasanguluka, wena uli ukutali nawena.

¹³⁸ Ine nshicita. . . . Ine tekuti mikalifye pa cintu icili conse, lelo Nalikwete icimonwa tekale sana icakuba mu Paradise wakwa Lesa. Ine tekuti myebe icintu kanofye Icine. Lesa, twafwilisheni ukuba aba bufumacumi muli ifi fintu nokulanda Icine!

¹³⁹ Mwamona? “. . . ? . . . ukatalalila. . . .” Baibele itila bena bakaba muli ilya nshila, eico bena bali nokuba muli ilya nshila. Nga cakuti cena caumine icapwililika na Luther, cena cacumine mukupwililika na. . . . mu Nkulo ya Filadefia na Wesley, cena cilingile ukucilanda nokuba icapwililika. . . . Cena nacilanda ico, kibili cena cili nokuba bwino bwino muli ilya nshila mu Laodikeya.

¹⁴⁰ ““Uwafyuma, uushikabila icintu nangu cimo!”” Ifwe kuti twabika ba billioni wama dolla mufikulwa, kuti twabika ifintu fyonsse ifyo onse—ifyo onse. . . . ifyamucalo ifyakuisansamusha, kuti twakula amachalichi yawamisha. Ico cilifye bwino, tapali nangu cimo, ico cilifye bwino umupwilapo.

¹⁴¹ Lelo Ndeesha ukulanda, lyena ilyo i Mbila yatendeka ukubashinguluka, bena tabalefwaya. "Iwe uli mukote! Iwe walifulungana! Iwe walingile ukwikala imyaka amakumi yasano iyapitapo." Mwamona? Oh, imwe limbi kuti mwatontonkanya ukutila, "Ine tekuti nkwide ica musango ngoyo nga kakumba." Ena ni kakumba wenu, nangu cibe fyo! Yesebele tekuti asumine ukutila ulya Eliya ali nikakumba wakwe, lelo ena mucine efyo aali. Ena mucine efyo aali. Ena alituminwe, icilangililo, inkcombe kucalo ca Israele. Kibili ileelo u Mupashi wa Mushilo uusuma kabilo ne Cebo cakwa Lesa ni Nkombe ku chalichi, kukubalungamika nokubaleta ukubabwesha ku Cebo. Tulalanda pali Cena, lelo tamumona nangu umo ukusela. Uh-huh, mwamona, tulasakanya filya ifintu.

¹⁴² Naumfwile umuntu umo, nga mubunte, atiila, "Musumbuleni Ena mu muulu," nimumusango nshi mwingamusumbula Ena?" Kibili, oh, sendenifye ifikomo ifinono! Umuntu umo atile, "Loleni nokupepa," ico cilepilibula ukwisula ilinsolo limo ilyo ulepepa, lolesheni nelinankwe. 'Loleni nokupepa.'" (Mulandu nshi, *loleni* cipilibula "loleni palwa kwisa kwakwa Shikulu," nokuba abapepa.) Mwamona, cena cilepilibukafye icintu.

¹⁴³ Eico kanshi, muli cilya, cinshi ico tucita? Ifwe tupanga intambi ishinono fwebene (kibili elyo nga...) nga cakutila cena ni Lesa ukukuula nangu iyo. Kibili ifwe tulaya, icintu cakabalilapo ico mwishibe, natukwata ibumba ilinono ilitukonka, nokubatinta ukufuma kwibumba ilikalamba ilyachalichi. Ico nacilungama. Mucifulo cakwisamo nokupepa nokupwissa icintu, nokuleka umubili ukuya pantanshi, tucita ifintu nga fili ifyakwafwilisha nangu iyo. Nga namukwata Icine, lyena ikaleni ne Cine. Ico nacilungama nganshi. Lelo lekeni cibe Icine ca Baibele intanshi! Moneni, kuli i...iyi nkulo ya Laodikea.

¹⁴⁴ Kibili bakasesema, uh, Mupashi wa Mushilo alelanda ukupitila muli Paulo, uyo uwali ni Messiya. Te Paulo, cali ni Kristu! "Leso, munshita shakale kibili mumisango iyalekana lekana alandile kuli bashifwe ukupitila muli bakasesema, muli buno bushiku bwakulekelesha ukupitila muli Yesu Kristu," Aba Hebere 1, moneni, Mupashi wa Mushilo, Kristu, i Mbila nsuma iya shintilila pali Kristu, i Cebo icashintilila pali Kristu. Kibili nga Cashintilila pali Kristu, kibili calishi-... Lesa ali noku Cishininkisha ukuba Icine.

¹⁴⁵ Ulya e mulandu wine imwe mwe bantu ba Pentecosti mupokelela Mupashi wa Mushilo mucicetekelo icaba Method-...icinso ca kusangululwa kwa Methodisti, pantu mwaikiele bwino pa Cebo.

¹⁴⁶ Ulya e mulandu wine imwe ba Methodisti bashishiwe ilyo ba Lutherani tabacetekele muli cena, imwe mwali pa Cebo.

¹⁴⁷ Ifyo efyo imwe ba Lutherani mwapuswike, abalungamikwa, pantu inkombe yenu yashimikile ukulungamikwa, nokuilishanya pali ichalichi ca Katolika icali ico bonse bafuminemo. Bena bacetekelefye muchalichi; imwe mulabwekela kuli Baibebe, kibili imwe mwalisendele cilya icine ca Baibebe nokwikatilila kuli cena.

¹⁴⁸ Kibili nomba kwaishile Wesley ne cine cimbi, nokwikatilila kuli cena; kwaishile Pentecosti ne cine cimbi, nokwikatilila kuli cena; lyena nga imwe kuti mwaikatilila kuli cilya nokumona ukutila ena cintu calungama, cinshi tekuti musendele icintu conse ico cashininkishiwa icalungama? Cetekeleni cena conse!

¹⁴⁹ Nomba, ilyo tulemona ishi nkcombe, ifwe natwisha lyena. Ifwe tulemona Kristu, umukalamba Kasesema Lesa alelandila kabela ifi fintu ukucitika munshiku shakulekelesha. Ni cinshi ico cilecita? Cilelangisha inshita yafilimwa. Yena ileishibisha inshita ukutila ifilimwa fili nokulobololwa, ico cikaba munshiku shakulekelesha. Mwacimona ico?

¹⁵⁰ Nomba, ifi fintu fikaba munshiku sha kulekelesha. Twalishiba umusango wafilimwa ifyo tulefwaya. Ifwe tulelolela ichalichi ico inshita imo cawkete Ulubuuto, ukutaluka kuli Cena, baile kufyayemba ifyamucalo, nabasamba (bushe ico nacilungama?), ukuya, ukusenda umusango uuli onse uwabamembala, necintu icili conse, nokucita Pentecosti, ukubatisha icintu icili conse.

¹⁵¹ Amenshi tayapususha umuntu. Cena cisenda Umulopa wakwa Yesu Kristu. Tamwaba Umweo mu menshi. Umweo wisa mukabulungwa ka Mulopa; cisenda ukusangululwa ukusangulula ukwa mweo, kukwipaya ukukabila kwa lubembu; nomba Mupashi wa Mushilo esa mufipe fyasanguluka nokucibika pambali mumulimo, kumulimo. Icipailo cisshisha icipi, lelo i...ukwisusha ekucibika mumulimo. Calibikwa kumbali *ku* mulimo, nomba cilingile ukubikwa mu mulimo. Kibili Mupashi wa Mushilo alabika ichalichi mumulimo. Nalitemenwe lulya lwimbo ulunono:

Bena bakolongene mu muputule wapa muulu,
Bonse balepepa mwi Shina Lyakwe,
Balibatishiwe na Mupashi wa Mushilo,
Kibili amaka kumulimo yalishile;

Ee. Kibili ulwashala lutila:

Ifyo Ena abacitile bulya bushiku
Ena kuti amuiitila cimo cine. (Mucine.)

¹⁵² Ifilimwa; bakasesema; twaliiminine palya pali Kristu. Nomba natubwekelomofye panono.

¹⁵³ Esaya, kasesema, ifyo apele ubunte, asesemene panshita yampela. Atile, “Umubili onse kuti waisula ifilonda ifitinya, itebulo lyonse kuti lyaisula amalushi!” Mulandu nshi, abaume

nabanakashi ileelo, balalya umulalilo, ukwikala na bakashi bibili nangu batatu, nangu abalume bobili nangu batatu, (cisuma) imisango yonse iya... ukupepa fwaka, na fyonse filya fintu; ukwisa muchalichi, nokulya umulalilo!

¹⁵⁴ Nomba, kuti Nayakofye panono mwisamba ukucila apo, nomba Nalalolelako panono, nalimo tacyene apapene. Nacumfwafye uwafilewa ukulanda pafyo Naciba nokulanda. Lelo Ine... Imwe kuti mwabelenga pakati kamishilwa. Namwishiha ifyo Baibebe ilanda, ifyo ifintu fimo ifyaseka neifishaseeka fyaba.

¹⁵⁵ Fyonse ifi fintu tulemona filecitika nomba, kibili icalo... sayansi ilanda ati cena cili... imyaka ine nangu isano iyapitapo, "Cili ama miniti yatatu ukufika pakati kabushiku." Israele ali mu mpanga ya kumwabo. Chalichi cili mu Laodikea. Oh, owe! Cinshi ico tuleloleshapo? Cinchi cilecitika?

¹⁵⁶ Tulelolela Ulubuuto lwa cungulo bushiku. Oh, Ndesunguka, Cena nga caisa, nga ifwe kuti twa Ciluka? Nangu bushe kuti Catolokela pamulu wa mitwe yesu kwati nifilya cacitile munkulo shimbi? Tabacishiba mpaka caya ukutali.

¹⁵⁷ Muleibukisha, balya bantu bakapepa ebalya abaipeye bakasesema abo abatuminwe kuli bena. Yesu efyo alandile. Atile, "Mwe ba bumbimunda!" Atile, "Mulashingula inshinshi shaba kasesema, kibili bashinwe ebababikile mulya elyo kibili balakula inshishi shabo."

¹⁵⁸ Lolesheni kuchalichi ca Katolika waba Roma, bashingwile inshinshi iya kwa Patrick Washila, bashingwile inshishi iya—iyakwa Joan waku Arc. Balipeye ulyo mwanakashi, no kumoca nge ndoshi, pantu ali uwa bumupashi, pantu alemona ifimonwa. Bali mocele pa cimuti, nge ndoshi. Panuma yamyaka imyanda ibili baishile imbaula imibili yabashimapopo nokuiposa mumumana, kukuipela, mukwishiha ukutila ali mubomfi wakwa Kristu. Lelo, muli bulya bushiku, tabaishibe untu ena aali, ilyo ichalichi calepita.

¹⁵⁹ Kibili Cena cili nokuyafye pamulu wabantu kibili bena tabakatale Cishiba.

¹⁶⁰ Yesu, bena tabaishibe ukutila Ena aali Mwana wakwa Lesa mpaka ilyo Afwile nokushikwa nokubuka nakabili. Bushe Petro tabapele umulandu pa Bushiku bwa Pentecosti? "Imwe mwe bantu ne minwe iya bupulumushi walisendele Cilolo wa Mweo, noku Mwipaya, uku Mwipaya!"

¹⁶¹ Oh, icishibili icibyasha icakashika ica kwisa Kwakwe naciika! Amen! Tuli kumpela. Amen. Ico cilebyasha icishibili cakashika cili konse konse, konse konse, "Ichabodi," ukulembwapo. Inshita naipwa. Inshita naipwa!

¹⁶² Sayansi yalifika kumpela yaiko. Ico nacilungama. Bena balipanga icintu cimo nomba ico benga bomfyा ukupolesha icalo conse, cila umo aletina ulya umbi. Bena bali kumpela yanshita.

¹⁶³ Uku tumpuluka, nakufika pacifulo... insonshi ilepelukila kunuma. Abantu tabalecita ifintu kwati bantu batumpuluka. Bushe kuti waelenganya umuntu ukufwaya ukuba umwaume caibela, nefyefu yakwe ilepelela nga *ifi*, itoloshi lyakwe afwalile muntungu, aleenda ukupita palubansa lwesukulu nga filya? Amano yesonde ayo ayali nokwisa panuma yaici, nga kuliko nakabili iya cena, ukusenda abakashana abanono aba myaka yakufyalwa ikumi limo na ine, mulya mumusebo.

¹⁶⁴ Iieelo, mumayanda yabeni, mwalambalele nyina mulya uwafwele ifyakufwala ifinono ifyakuti tekuti fikumane ukupomba mututila nafyo, kibili umulume wakwe alele kulya umusango umo wine, na ulya umwela uwatalala. Batontonkanya ukutila imibili yabo isuma nganshi icakuti bena balingile ukUILangisha. Bushe tamwiluka ukuti uyo ni ciwa? Ico nacilungama. Ukufula ifyakufwala fyabo, kanofye abapena ebacita ico. Legioni alicicitile pantu ali uwafulungana. Moneni! Kibili twalikwata ico, lelo cilya citwa "imicitile," iyo iletwa "icipya." Tucita "Ciwa!" Ninkwata Baibele iyakushininkisha ukutila cena niciwa. Kwikatwa naciwa, ukwikatwa nengulu (tekucushiwa). Ukwikatwa, nakwikata! Ico nacilungama. Bebeni palwa cena? Bena bali no kupoleka. Bena tabafwaya icakucitapo na Cena! Iyo, mukwai. Bena balikwata amano yabo abene, pantu umwakusungila ifitumbi uko bena baya tabakalipila ico. Ukuba nemibele yabulale ifundwa mumasukulu namumachalichi, kibili bakakumba balatina ukucikalipila, tabacitapo icili conse.

¹⁶⁵ Naumfwile kapyunga ubushiku bumbi, atile, "Ilyo bapangile ifi fintu ifya makumbi makumbi ifyakumenso, kibili—kibili imilomo iyakashika, bena bapangile isonde ilyaembesha." Kapyunga wa Mbila nsuma, mu cintamba, kuti alanda insoselo nga ilya, ena alekabila ubulendo bwaku Kalbale. Cisuma. Ico nacilungama nganshi, ilyo Baibele ilecebaula!

¹⁶⁶ Kibili ibumba lya ba Pentecosti lyaebele nkashi uyo (waishile ku cifulo, alelila) pantu ena alikwete imishishi yakwe iyakakwa kunuma ya mutwe wakwe, ne mishishi iitali, batile, "Itaila lyobe ilyapambali kuti lyapompoloka." Atile, "Ulingile ukuputulako ilye mishishi, pantu ukutila Baibele ilanda ukutila alikwete... muli Esaya, chapitala ya 5, cakwete amataila ayabulungana ngo mweshi." Nomba, bushe Baibele kuti yalandia ukutila "umwanakashi acita icintu icishaseka," ena talingile ukwikala nankwe ilyo abeya imishishi yakwe, ena alashininkisha ukutila alasebanya umutwe wakwe, kibili elyo imishishi itali...?... Kuti wapanga shani Baibele ukulanda icintu cimo nga ico? Ukuba, bushe nicinshi calubana nabananamayo bamu Pentecosti? Mwalitamisha icitunshitunashi!

Mwalimwenesha isonde, kibili i Cebo cakwa Lesa tamuciposako amano. Nomba, Baibele eyalandile ico. Ifyo efyo Baibele yalandia. Ico te ine, nomba, ilya ni Baibele!

¹⁶⁷ Oh, imibele ya bulalelale! Namayo atile kuli ine tapapitile inshita, Naleyia pali bena ukufwala utuputula, atile, “Nda—Ndafwala itoloshi.”

¹⁶⁸ Natile, “Ico cabipishapo.” Iwe . . . Baibele efyo yalandia. Ena tekuti apilibuke.

¹⁶⁹ Mwatila, “Balya ni ba Baptisti.” Balya ni ba Pentecosti. Ndelanda kuli imwe. Ico nacilungama. Ico cishinka.

¹⁷⁰ Lelo mulandu nshi? Mulandu nshi? Bamo baliponya ifyakicinga kuncende iimo. Cibusa wandi uwakale shimapopo aletila:

Twaponeshe imilando, twaponeshe imilando,
Twallanshenye no lubembu.

Twaponeshe imilando, impaanga shafumine
Lelo musango nshi imbushi shaingilemo?

¹⁷¹ Bushe nifinshi filecitika? Ilyo mwaponya imilando, imilando ya Cebo cakwa Lesa! Ibukisheni, cali butantiko bwakwa Lesa ukucingilila Chalichi Cakwe ku Cebo Cakwe, pa kutendeka.

¹⁷² Kibili ilyo Efa aelengenyne nokutila, “Ukuba, nomba, bushe tacili icamano, kuti Naikalafye bwino ngefyo bena . . . ?” Ah! Ico ecacitile ici.

¹⁷³ Kibili uyu lyonse alacita ici. Uyo wine emulandu ena bamuleseshe ukuba kashimikila. Mwamona, alaponyafye ifyakicingilila. Kulya eko (ichalichi) imishila yacani iya lwena lwatotelwe, mu Pentecosti, kibili ilya emishila yacani. Takwaba Illembu pali cena. Mwamona? Nomba, ni cinshi ico mucita lyena? Mukwata ukwisa ikatana pamo uko mwakwete kunuma ku Edeni. Moneni, nomba, lyena ilyo twaisa ku Cebo, mulelanda palwa Cena . . .

¹⁷⁴ Takuli nangu umo uwingakanya Ico! Ndekonkomesha uuli onse ukucilanda. Nalishimikile palwa *Ulubuto Lwa Nsoka*, abantu abengi balifulilwe palwa ico. Nalipusha umuntu umo ukwisa mona palwa ici. Nshibasanga.

¹⁷⁵ Kulya ku Chicago tapapitile inshita, imwe mwalikwata amatepu, batontonkenye ukutila balinteya mu cintu cimo. Balikwete Akabungwe kaba Kapyunga Akakaalamba aka mu Chicago, Munyina (Cena ni cinshi?) Tommy Hicks, Munyina Carlson bali kulya. Kibili inshita sha bushiku shibili ilyo ico tacilabako, Shikulu alinshibwishe mubushiku, atile, “Kabiye keminine pali lilya iwindo.” Nalile, kibili yena yaleloka iyafibulukuto. Atile, “Nomba, bena nabakuteya iciteyo.” Atile, “Kuli uyu mwikulo, wikatina. Twalilila, Nkaba nobe.” Nomba, ici ni mwi Shina lyakwa Shikulu. Imwe kuti mwabepusha nokusanga. Cena cili pa matepu, ukulandilwa kabela ilyo

tacilacitika: Atile, “Nomba, wikitina ukuya, lelo ukaye,” atile, “Nkaba naiwe.”

¹⁷⁶ Kibili ubushiku bwakonkelepo Nakumenye Munyina Carlson, umukalamba wa chapitala kulya, na Tommy Hicks. Kibili Ena Anjebele ukutila nkabakumanya kibili tukaya ku ncende itwa “Umusumba ne Calo” ku cakulya ca lucelo. Nalikele kulya filya finefyne. Natile, “Munyina Hicks, uli dokota wa fyamipepele kibili tuli nokukumanya ibumba ilikalamba ilya bakapyunga kuno, ibumba lyabo ilya ku Chicago, bushe tekuti uyenandilako? Ine nalikucitilako ifintu ifingi.” Nalemusekeshafye.

Atile, “Oh, Ine tekuti ncite ico, Munyina Branham.”

¹⁷⁷ Natile, “Ukuba, mulandu nshi tekuti wileko?” Natile, “Ine kuti nakucitila icintu icili conse, nomba mulandu nshi tawingacitila ico kuli ine?”

¹⁷⁸ Atile, “Oh, Ine tekuti ncicite, Munyina Branham. Bena tekuti beminine shilili pali ico.”

Munyina Carlson atile, “Iyo, bena tekuti.”

¹⁷⁹ Natile, “Nawishiba umulandu.” Natile, “Leka nkwebe icintu cimo, ni pa mulandu wakutila imwe, bonse babili, namwishiba ukutila nabakwata ilipusho ilyo banteyele.” Kibili Natile, “Walungika.” Nomba, ici cili pa tepu. Nga mulefwaya tepu, ifwe kuti twaikwata. Kibili namubeshiba bonse aba bantu. Eico Natile, “Ubushiku bwafumineko, Nalimwene icimonwa ico twingekala pano muno lucelo kibili Tommy kuti asha ici.” Natile, “Nomba moneni, imwe muli...imwe namukwata umuputufe wamung’anda yabeni uo musonkele.”

“Ee.”

“Naulipililwa.”

“Ee,” Munyina Carlson.

¹⁸⁰ “Lelo iwe tawausunge. Ico ni EFYA SOSA SHIKULU!”

“Malandu nshi?”

¹⁸¹ “Uli nokuya muncende imbi. Uyo mu—muputule uwakatapa katapa; ifwe tuili nokuya mumuputule wacinyamuti. Nkaba mu cifutu; Dokota Mead akekala kukulyo kwandi; kibili ulya kapyunga umukote uwafita nomukashi wakwe bakekala kuno lubali kukuso,” umusangofye cingaba ngefy. Kibili Natile, “Moneni nomba, isenifye kuno. Namumona Lesa aleundapa abalwele, lolesheni Ena mubulwi inshita imo!” Natile, “Ena mukalamba, icawamisha.” Natile, “Loleshenifye amepusho nokumona ifyo kuli tondolo.”

Kibili ilyo twaishilefika kulya lulya ulucelo...

¹⁸² Nga cakuti mulefwaya tepu... Jim nauikwata, bushe tauikwete? Pano pene, pano pene, kuti mwakwata tepu nga muleifwaya, mukulongana.

¹⁸³ Natile, “Cinshi ico mukwete ukususha ine? Bwafyanshi buli na imwe mwebantu?”

¹⁸⁴ Munyina Carlson atile, “Ukuba, Munyina Branham anjebele inshiku shibili ishapitapo ukutila ifwe tukesa kwata . . .” Kibili balifililwe ukukwata icikulwa, baliikanshile. Balibakenye ukucikwata pantu ibumba lyabakemba balicisendele kibili bena tabaishibe ukutila balikwete icikatilo pali cena, eico bafumishepo Abaume Bashimakwebo. Kibili imwe nalimo mwalyumfwa imbila palwa cena, Munyina Williams kuno, na kuno, pano. Kibili—kibili—kibili atile, “Munyina Branham acinjeba bwino bwino uko cila muntu engekala, nokunjeba bwino bwino ico icili nokucitika.” Atile, “Icintu cimo,” atile, “Ine . . . ifwe fwe bengi kuti mwakana ukusuminishako kuli Munyina Branham pa Mbila yakwe, lelo,” atile, “ifwe tulingile ukusumina icintu cimo, ena tatina uku Cilanda,” eico—eico lyena atile, “ababula umwenso na Cena.” Atile, “Nomba, iwe uli pano, Munyina Branham.”

¹⁸⁵ Natile, “Nomba, ilyo tatulatampa, Ndefwaya umuntu umo, pa cintu cimo ico Nalanda, ukusenda ilya Baibele no kwiminima pano pambali yandi.” Kibili lilya lyali ibumba lyali tondolo nganshi ilyo tamwatala umfwapo. Natile, “Kanshi, nga tekuti mucitungilile, muleke ukunkonka! Ee. Ba Munyina, Ndi kuno kukubika amapeya yandi pamo naiwe, lelo tulingile ukubwelela kufishinka fya Baibele.”

¹⁸⁶ Atile, “Mulandu nshi tekuti—mulandu nshi taulekela balya abanakash? Oh, ee, imwe muli i . . . abantu bacetekela imwe ukuba ka—kacefyawakwa Lesa.”

Natile, “Nshatala landa ico.”

¹⁸⁷ Atile, “Lelo abantu balicetekela ico.” Atile, “Mulandu nshi u—mulandu nshi taulekela balya abanakash? Baba?” Atile, “Kibili uleke ukubeba pa musango balingile ukufwalilamo nokubeya imishishi yabo nefintu ifyo balingile ukubomfy. Mulandu nshi tawabalekela baba? Mulandu nshi ushinga bafundila ifya kupokelela ifya bupe kibili—kibili nokucita icintu cimo kubukata bwakwa Lesa?”

¹⁸⁸ Natile, “Musango nshi mwisonde Ningabasambilisha ajebula ilyo bena tekuti basambilile naba ABC babo?” Ico nacilungama. Imwe mulingile ukubwelela ku mufula mukutampa.

Lesa, kwateri uluse pali ifwe nomba. Ee, mukwai.

¹⁸⁹ Ifwe tuli pano, inshita ya mpela! Inyali iya kashika panshi, ilebyasha! Ukwisa kwakwa Shikulu kuli mupepi. Ee, mukwai. Umfweni! I Mbila yanshita yampela ilingile ukukumanya imibebe yanshita yampela. Uko basela munshila, i Mbila ilingile ukuibwesha. Lyonse, i Mbila yanshita yampela ilakumana nemibebe yanshita yampela. Ukuyafye monse mu Malembo. Cena cilingile ukucicita ino nshita, ubwite ukubwelela ku

Cebo capakutendeka. Oh, owe! Nge nkombe shimbi shacitile mubushiku, iyi Mbila ilingile ukuba cimo cine. Ifwe balitulaya ico! Lesa alaile ico mu Cebo Cakwe! Malaki 4, itila cena cikacitika, “No kubwekesha Icicetekelo cabana kuli bashibo.” Alicilaile, kabilo tuleikala muli bulya bushiku!

¹⁹⁰ Oh, cena caba lyonse, cila nshita, ibumba lya ntungulushi abo abalenga abantu ukufulunganishiwa. Temulandu wabantu; intungulushi ishibalenga ukuba abafulunganishiwa. Nomba, natu...

Mwatila, “Oh, Munyina Branham!”

¹⁹¹ Ukuba, nomba, pali minitifye nomba, tulingile ukulenga ici caba icamu Malembo. Nga cena tacili Amalembo, ninshi tacili icakwafwa. Ku mashiwi yabo aya mano, mubutungulushi bwabo ubwa pulamo, amashiwi yamano ayesonde, bena... Mulandu nshi, kuliko bamo balya bakalapashi abengacibika capamo, lelo muletontonkanya ukutila Satana te kalapashi kuli cena, nao? Bushe ena, ukuba, taile kuli Yesu Kristu noku Mupela umulandu, kabilo nangula alumbwile Amalembo kuli Ena? Ena alicicitile ico! Ena ni kalapashi pali cena. Lelo Yesu tatalile talikana naena, Atile, “Caillembwa, pamo! Pita kunuma Yandi, Satana.” Ee, ubutungulushi uwabula ukusubwa.

¹⁹² Lolesheni kuli Kora, munshiku ilyo Lesa atumine Mose nembila, kabilo Kora na Datani atontonkenye, aishile kuli Mose, kabilo atile, “Nomba, pali minitifye, iwe ulaipela ifisendo nganshi wemwine! Utontonkanya ukutila niwe akalibwefye keka palulamba; icibata mumatipa, niwefye weka. Nalakweba ukutila epo bali abantu bambi abamushilo, pamo!” Mose talandile ukutila tabali abamushilo. Lelo alikwete umulimo, alingile ukubomba. Kabilo bakolongenyne ibumba kabilo baleisa mukususha Mose.

¹⁹³ Kabilo Lesa alimwebele ukutila, “Kabiye keminine kulya kumwinshi.” Balya abaume balikwete icifukilisho mumaboko yabo, kabilo mwalishiba ifyo cilya icifukilisho cingacita. Lesa aiswile sonde nokubamina. Kabilo bena balikwete umulilo ukufuma ku cipailo, muli cena. Nomulilo mucifikilisho, nga fintu cali icikankala, balifililwe ukwishiba imbila.

¹⁹⁴ Lesa atile, “Ndekutuma, Mose, kulya ukucita ici. Iwe ukabalete kuno.”

¹⁹⁵ Mwamona, balifililwe ukucishiba. Mose ali “uwacilamo ukulungama” kuli bena. Ngefyo Eliya aali, kwi Sukulu lya ba Kasesema, “uwacilamo ukulungama,” aikele ne Cebo.

¹⁹⁶ Ifyo efyo imwe mwe bantu ba Pentecosti, mwali ipatulako mwebene ukufuma kwisonde lyonse iyashala, ukulungamafye ne Cebo. Wibwekelamo mucintu cimo cine ico wafuminemo, ulesensenunwa! Mwiputula inanga yenu ukufuma ku Kalbale. Ikatilileni ku Cebo cakwa Lesa, pantu “Pali ici cilibwe Nkakula i Chalichi Candi,” ikaleni na Cena.

¹⁹⁷ Nomba, Datani nabena batontonkenye ukutila bena bali . . . kuti kwabako umuntu umbi. Mwamona, ico mano ya buntunse ukwesha ukubika amano yabo mu butantiko bwakwa Lesa. Ico cintu icisuma. Amano ya buntunse ukwesha ukubika amano yabo mu Cebo cakwa Lesa. Cena tekuti cibombe! Cena tekuti cibombe. Cena tacatala bomba kibili cena tacakatale bomba.

¹⁹⁸ Lolesheni kuli Yesu ilyo Ena aiminine kulya, atile, “Ninani muli imwe uwinga Njebaula pa lubembu? Ninani pali imwe engananga ukutila Nshacita bwino bwino ifyo Amalembo yatille Mfwile ukucita? Ndalandia ukuba Messiya. Kibili nga Nshilecita imilimo yakwa Taata Wandi, lyena mwicita, mwincetekela Ine. Lelo nga Nacita imilimo kibili teti mu Ncetekele, cetekeleni imilimo iyo Ncita, ipela ubunte pali Ine.” Filya fine. Kibili bena tekuti bacetekele ico, bena balefwaya inshila shabo abene.

¹⁹⁹ Bena limbi tekuti bapilibule ukucita ici nokuba mucilubo. Tabalepilibula . . . Nshilecetekela ukutila umuntu alecitila ico kumufulo. Ndasanga abantu abasuma muli yalya amachalichi yakalamba ayafilonganino. Ndasanga abantu abasuma. Lelo caba nga fintu ndubulwila alandile pacilimba, ilyo naleisa kuno, “Icintu iceni, ukutila ifyo bashimapepo bengeminina mucintamba, nokumona ishi nshita ukwissa, kibili ifyakukanyako ifyabukapepa fyabo tafimunwa, pa lubembu lwesonde!” Kibili ilyo ndubulwila alingile ukwiminina nokulanda ico! “Kibili nefyo bakapepa babomfyia indalamia shabo pancende shakusungilamo inama ishapusana pusana nencende shakutushishamo, nefintu, no kukanatungilila ubutantiko bwa ba minshoni, uwakutwalila isonde i Mbila nsuma.”

²⁰⁰ Ilyo ba minshoni abansala, ukwabula insapato kumakasa yabo . . . Alleluya. Takuli icilonganino icakubatungilila, pantu, ukwiminina kwabo pa Cebo cakwa Lesa. Takuli nangu cimo icakubatungilila. Namubakwatila icintu cimo icakubatungilila kulya, nomba ninshi bakwete? Icisakatu camasambilisho. Umwine mwine, minshoni uwa cine, ifishibilo filakonka, ashintilila pa mwanakashi umo uwakucapa ku kubasungilako amakobili ayanono. Moneni, ico cili apo.

²⁰¹ Bena tekuti bapilibule ukucita ifyo . . . Ukuba, lelo bwafya nshi ubuli nabena? Bena balipofula. Yesu efyo alandile. Ibukisheni, ibukisheni, Yesu alandile ico icintu cimo cine. Kibili cilemoneka kwati, ileelo . . .

²⁰² Nomba kutikeni, Ndesubila Nshili uwakususha. Ilyo mulelanda icine mwiesha—mwiesha ukumfwa ukutila Ndesusha. Ndeeshafye uku . . . Na—Nalitemwa . . . Kibili nga tamulecita . . . Na—Naliba uwapimpa palwa Chalichi. Ici, bena nalimo ni ba Assembly of God, nangu conse fintu cili, nangu—nangu Nsha—Nschaishiba ifyo cena caba. Cinshi . . . Tacipanga ubupusano ubuli bonse kuli ine. Cena chalichi cakwa Lesa. Ifyo

efyo caba, Ndecetekela, chalichi cakwa Lesa. Ukuba, nomba, ifwe bonse tulingile ukuba ico, te chalichi cacilonganino icakwa Lesa, lelo tulingile ukuba abena Kristu mu mutima. I Chalichi cakwa Lesa cikala mukati ka fibumba, teshina, nafimbipo.

²⁰³ Nomba, ileelo caba nganshi pali ici, ukutila bu membala ebupendelwa ku bantu. Nomba, lolesheni kuli ba Baptisti abakwete ukupuputulwa. Oh, bena balikwete kumo. Balikwete imilandile mu' 44 ukutila, "Millioni naumbi mu' 44." Imbilä shakwa Billy Graham shileya. Mulandu nshi, mucine, shena shalipanga icintu icikalamba. Ba Methodisti, ba Baptisti, ba Presbyteriani, cena caba icintu icikalamba, lelo nicinshi ico twawkwata?

²⁰⁴ Yesu atile ku ba Fariseo, "Mwe ntungulushi impofu isha mpofu. Mwendauka mufimana ukuti mupangeko umo uwacetekela, kibili aba imiku ibili umwana wakumbo ukucila fintu aali ilyo atampile." Kibili ico eco twawkwata ileelo.

²⁰⁵ Billy Graham, ilyo Nasangilweko ku mwikulo wakwe mu Louisville, ku Kentucky, aishile kulya, uwashipa nga fintu kabilia wa mbila nsuma aali, ena atile, "Ndaya... Paulo atile...Apa epali icakumwenako ici." Atile, "Paulo aile mu musumba nokupanga umo uwapilibuka, aishile bwela umwaka wakonkelepo kibili akwete amakumi yatatu ukufuma kuli ulya umo." Atile, "Ine ndaya mumusumba kibili nokupanga amakana amakumi yatatu abapilibuka, kibili ukubwela mumwaka kibili nshile sanga amakumi yatatu." Atile, "Mulandu nshi?" Kibili Nalikumbilwe itontonkanyo lyakwa kasabankanya wambila nsuma. Abikile umunwe wakwe kulya, nalimo abaume imyanda itatu abaikele kulya, atile, "Ni mwe mwebumba lyabakashimikila abanang'anî." Atile, "Mwikala muofeshi namolu yenu pamulu wetebulo, nokutumina umuntu pali lamya, nokumwipusha ukuti engesa noku—nokuilunda kwichalichi cenu. Mufwile ukuya mutandalila."

²⁰⁶ Nalikele palya, Natontonkenye ukutila, "(O mwe Lesa!) Namwisha, Kabilia wa mbila nsuma Billy, uli muntu umukalamba. Ndi—Ndi mbulwamano. Lelo lekeni mipusheko icintu cimo." Naleumfwa ukutila kuti Napilibuka no kulanda ici; lelo Nda—Nda—Ndakumbwa munyina, ntontonkanya ukutila ena mubomfi wakwa Lesa. Lelo kuti Natemwafye ukulanda ici, "Kansi, Billy, ni kashimikila wa musango nshi Paulo akwete ukukonka umo wakwe?" Ni cinshi caciike? Paulo tamulekelefye ena ukwimya ukuboko kwakwe ukuti apange ukusala, ena alimutwele kulubatisho lwa Mupashi wa Mushilo, alyashishe umeo wakwe walapy, kibili afililwe ukwikala tondolo.

²⁰⁷ Bulya ebwaba ubwafya ileelo, nibumembala. Ee. [Tapali amashiwi pali tepu—Kale]...bamembala, bumembala ubukalamba, amakalashi yapa Mulungu ayakalamba, ukupela ifilambu kumuntu uwingaleta uwacetekela umupya nokuleta

umuntu umo ukufuma kwichalichi cimbi, uwaleta abengi. Namwishiha, bulya bu Fariseo! Kibili ukulandapo nganshi pali ico cine nokutila, "Twalibasepa pa bushiku bwapa Mulungu uwafumineko." Nga cakuti mwalikwata incende uko mufwile ukupanga ichalichi cakwa Lesa iukuba ulubilo lwaba koswe, lyena ninshita iyakwisala ifibi nokuya kunga'nda.

²⁰⁸ Chalichi cakwa Lesa ecintu ica mweo icakwa Lesa pe sonde, icilangisha Yesu Kristu. Ninjishiba ukutila Cena tacalumbuka, imwe tekuti musubile ukuba abalumbuka. Ifwe tulesubila ukuba abalungama.

²⁰⁹ Ukulanda nganshi palwa cena... Lelo, bushe mwalishiba, ifyongo ifikalamba tafyacilingenye kasesema Eliya. Alyumfwile umulilo ne cushi fyapita, kibili ukubuluma nokubyasha, kibili umulopa namafuta, nefintu fyonse ifyashala, tafyatilale afimucushapo. Namwishiha, America lyonse awaya icintu cimo icikalamba ne congo icikalamba muli ena. Lelo Lesa li "Shiwi ilinono" ilyo ilitemuna kasesema.

²¹⁰ Namwishiha, iconi inshita imo calile mwibala, kibili caletoloka mucilime, cilepanga icongo nganshi ilyo caile kunse kwibala. Kibili ilyo cabwelele, cafikile pacilime cimo cine kibili tacalilile nakabili, calikwite ifintu ifisuma. Mwamona? Ee.

²¹¹ Lelo tubikile ukwishiha kwesu pe bumba lya congo. Kuti twacita shani ifyo? Kuti twacita shani ifyo fintu ngefyo? Oh, owe! Kibili nokukambatikamo ifyayemba ifyamu Hollywood, ukukwata abanakashi kulya ku cintamba, nefyakufwala ifyaikata nganshi nokumoneka ukwa bulalelale, ukushana mu mupashi. Nshishibe nga cakuti mupashi washani uyu!

²¹² Nshilepilibula ukuba uwakususha nomba, Ndi—Ndi—Ndi... Na—Nalimitemwa. Nga cakuti Nshicitile ifyo, ninshi Lesa ali nokumpingula nga cakutila Nakwata itontonkanyo nalimbi ukucila pali ilyo. Mwamona?

²¹³ Lelo mwaumfwa ico, mwamona. Uko eko ba Pentecosti basensenunwako. "Twalikwata ukucila munyina pa cifutu." Oh! "Ifwe twalikwata ifingi ukucila ba Assemblies, pantu ifwe tuli ba Oneness, nangu ifwe tuli ba Trinitarian, kibili ifwe tuli ba..." oh, *ici, ico, nangu cilya*, fyonse—fyonse ifya mitundu ifyo bakwata, mwamona. Oh, munyina, ico tacilepilibula *ico* kuli Lesa. Ena abomba nomuntu umo. Cisuma.

²¹⁴ Moneni, ifyongo ifikulu, lelo cena tacatemwine kasesema. Kasesema tasakamene palwa fyongo ifikulu. Lelo ilyo aumfwile kalya akanono akali Shiwi, alishibe ukutila ico cali Cebo, afimbile pamenso nokufuma aleenda.

²¹⁵ Namwishiha, akasuba kuti kasenda amenshi ayengi mumaminiti ikumi limo na yasano, ukwabula icongo nangu cimo nakalya, kibili ifwe... nacimbi iyo... kibili tulapanga icongo icungi ukukula galoni uwamenshi ukucila akasuba ifyo kacita mumpakwilo amamillioni. Ico nacilungama. Ifwe lyonse

tulafwaya icintu cimo ico cawkata ifikalamba kibili ifingi ifya “hura,” kibili ifingi ifya bufi kuli cena. Kibili ilyo caisa ku cishinka ica kusenda i Cebo, nomba kulema icintu. Mwamona? Isa, kibili bena batila, “Ukuba, Lesa apalwe, Ndemyeba . . .”

²¹⁶ Nakumenye umwaume kuno te kale sana . . . Nshilelanda ici mukuba uwabukapepa bwacilamo, napapata munjeleko nga cakutila Ndi . . . ukutontonkanya kwandi nga kulecipanga ukuba uwabukapepa ubwacilamo. Nali mukulongana kwa mwitenti kibili, kapyunga, kapyunga waku Pentecosti aliletetele umukashi wakwe kulya mukulisha icinanda. Kibili ilyo alandile unutu nali ku mukashi wakwe, mucishinka, Napene imfwe umutombo. Umwanakashi ali ne mishishi iipi nganshi, iyapombwa, kibili alikwete ayakalamba, amasikiyo ayakalamba, kibili nakalaso pamilomo, nangu ifyo ifyo fingaba, napenta amala. Amoneke kwati ena ni . . . Cali icintu icamoneka ububi; icikalamba, ifimala ifitali, kibili ngefyo. Nokumoneka bulale-lale; inomo, panono, indeleshi iipi nafwala, ena kibili yalefilika nokufika pa makufi yakwe lintu aikalako pansi. Ukuba, Naiminineko palya pakashita akanono, kibili Natile, “Munyina, bushe Nalakucena ku matontonkanyo ngacakutila Nalalandapo icintu cimo?”

²¹⁷ Atile, “Mulandu nshi, icine cine iyo.” Umwaume umusuma, kibili na ena alemoneka ukuba umwanakashi umusuma.

Natile, “Bushe uutila umukashi obe untu ashila?”

Atile, “Ee.”

²¹⁸ Natile, “Unjeleleko mukulanda nalalanda, lelo ena alenoneka kwati ‘taba ifyo’ kuli ine,” Natile, nawishiba, “nangu icintu cimo ngefyo.” Natile . . .

²¹⁹ Atile, “Wapilibula cinshi, Munyina Branham?” “Oh,” atile “iwe uli wa mwi sukuulu lyakale.”

²²⁰ Natile, “Ine ndi wa mwi sukuulu lya Malembo. Ico nacilungama, isukuulu lya Malembo.” Nshacetekela ukutila uwashila imicitile kuti yaba ifyo, Ine tekuti ncite ico, lintu Baibele apakalamba isusha ico. Mwamona?

²²¹ Nacilungama, cimoneka, inshita yonse, ifintu fyonse ifyo tumfwapo, “fyena fyakwete ubusalo amakumi yane,” “ubusalo amakumi yaane na fiine,” “ifwe twakwete ubusalo imyanda itatu.” Ukuba, uko ekulapila. *Ukulapila* e “mabwe.” Ico nacilungama, pantu Petro, pakulanda kwakwe, aitilwe “ilibwe, ilibwe linono.” Petro, mukulanda kwakwe. Nomba, amabwe conse nacilungama, lelo cisuma nshi nangu camutengo nshi ilibwe lipela ku cikulwa ngacakutila tapali kakula wamabwe uwa cine palya ne cibombelo icatwa ica Cebo ica kubaputula nokuba panga abana abaume abakwa Lesa? Mwamona? Busuma nshi buba mukulapila?

²²² Uyo wine emulandu uwakutila iwe ngawabwela tekuti usangepo amakumi yatatu ukufuma mumia kaana amakumi

yatatu. Imwe, mukunkulushafye amabwe ukuyafumya mulukungu, noku yakunkulushisha kulya kunse, kabilo tayalati yabe ayalinga aya nwi temepele. Yena yafwile yaputulwa, yapimwa bwino ne Cebo cakwa Lesa, yabikwa mulya, yasuntinkanishiwa capamo, yakulwa napa mufula we Sambililo lya batumwa, Yesu Kristu ilibwe lyapa Cifuutu. Kabilo Atile, “Ena uyo uwaceteleka muli Ine, imilimo intu Ncita na ena ali nokucita pamo.” Ico nacilungama.

²²³ Kuti twaba shani i Chalichi lintu ifwe tulaisusha umo nomunankwe? Atile, “Ici abantu bonse bali nokwishiha ukutila imwe muli basambi Bandi, lintu imwe mwakwata ukutemwa kwa umo no munankwe.” Lintu twacinja nokwakanikanamo, kabilo pa mulandu wa kulekana kwa filonganino... Ine nshilebika ico pa bantu, Ndebika ico pa cilonganino. Ico nacilungama. Tepa bantu nakalya. Mwamona? Oh, cena cintu cabipa nganshi, cibe Ine...

²²⁴ Imwe mufwile mwakwata ici icibombelo catwa, i Cebo cakwa Lesa, ukubapanga abana baume aba Mucikulwa. Oh, owe! Ipeepo lwandi lyakutila, “Lesa, mwangufyanye na Malaki 4. Mutupele i Mbila munshiku sha kulekelesha. Mutupele umuntu umo, mutume icintu cimo icakupususha ici ichalichi ca Pentecosti.”

²²⁵ Ninkombe yamusango nshi iyo Lesa engatutumina muli ishi nshiku shakulekelesha? Ndemyeba ici, bamunyina, ba nkashi, nga munyina wenu kabilo umubomfi munenu ulelolesha kuli ilya nshita ukwisa, ena afwile ukuba umusango wa nkcombe imo ine iyo ifwile ukwisa munshita imbi. Umusango umo wine! Afwile abweseha ichalichi ku Cebo. Lesa, lekeni tubike umufula ilyo tacilafika pano. Iyo talaisa, lekeni tubike umufula nokuba amabwe, ayaputulwa, ayapikekanya ukwiminina icipeya ne cipeya pamo na ena lintu Lesa amutuma, pantu Alaile Ukucita ico.

²²⁶ Nomba, Naishiba, Naumfwa ico cilebwela nakabili. Kabilo, ibukisheni, ne cabupe icinono kuti Nakwata ukulingulula kwa mupashi, mwamona. Nomba, imwe mulekanako kuli ico, lintu Nacilanda Malaki 4. Lelo lekeni myebepo icintu cimo. Mwacilanda ukutila, “Yesu atile, ‘Ngacakutila imwe kuti mwapokelela ico, uyu ni Eliya uyo calandilwepo.’”

²²⁷ Lelo ngacakutila imwe kuti mwamona ico Ena alandile muli—mulu—mulu Mateo Washila, chapitala 11 na versi 6, “Nga cakutila imwe kuti mwacipokelela, uyu ni ena ulya calandilwepo, kabilo atile, ‘Natuma ikombe Yandi ku cinsio Candi.’” Ico ni Malaki 3, te Malaki 4.

²²⁸ Pantu, muli Malaki 4, Atile, “Ilyo ubu ubushiku tabula issa, isonde lili nokupya nabantu bali nokwenda pali lyena; ukupya nge cani.” Ico nacilungama. Alelanda lilya pa nkcombe ku cinsio Cakwe, ico icali ni Elisha, Ico cali...

²²⁹ Nsha—Nshacetekela muli fyonse ifi fintu pano ifilelandwa ileelo palwa mwingila wakwa Eliya na fyonse filya ifintu. Ine... Fyonse ifyabufi fifwile fyaisa, ifyo fine, ukupilibula icintu icituntulu lintu cena caisa. Lelo, lekeni myebe, kuli nokwima inkombe pampela ya ino nkulo ya Pentecosti nokupwisha icintu. Ena ali nokuba umwaume. Te bumba, te cilonganino; lelo umuntu. Cena lyonse efyo caba, kibili Lesa tekuti acinje ubutantiko Bwakwe, Ena ni Lesa wa Muyayaya.

²³⁰ Ibukisheni, nagacakutila ilya nkcombe (Yohane) yali ni ninkombe yamuli Malaki 4, nomba ninshi Amalelbo yali fililwe pantu Yena yatile, “Cena cili nokuba... isonde lilinokupya nge mpimbili, kibili abalungami bakenda ukufuma ukunyantaula pa mito yaba biifi.” Eico mu Cibelenge, kibili mumone ngacakutila ico tacili icalungama. Mwamona? Lelo Yesu tatalile alanda ico, Asontelele kuli Malaki 3, “Ndinokutuma inkombe Yandi ku cinso Candi, ukupekanya inshila Yandi.” Ico nacilungama bwino bwino.

²³¹ Nomba, lelo ibukisheni, uyu umo umbi ali nokubwekeleshapo icicetekelo ca bana ukucibwekeleshamo kuli bashibo, ukubwekeleshapo icicetekelo ca bana ukucibwekesha ku Cicetekelo caba shibo, Baibele yakubalilapo.

²³² Ico bwino bwinofye eco Mose acitile. Ico bwino bwinofye eco Yesu acitile. Ico eco bwino bwino yonse inkombe yacita monse ukuya muli Baibele, pa mpela ya nshita iya ilya nshita, babwekeshepo imbila. Ku bantu, ukupitila mu tubungwe ne fintu, bakwete fyonse ifyafulgana kibili nafyonse, munshiku shiine shilya.

²³³ Bacita icintu cimo cine ileelo! Eico ifwe tulefwaya nkcombe. (Lesa, mutumeni!) Bushe muletontonkanya tuli nokumupokelela? Iyo, mukwai! Ena akaba “uwa sulwa kibili uwapena,” ecine cikalamba, lelo Lesa ali nokumushininkisha. Uwacetekela umutuntulu, abo abamwenenwe libela ku Mweo wa Muyayaya, Yesu atile, “Bonse abo Taata Ampela bali nokwisa, kibili takuli umuntu uwingesa kano Taata Wandi amuleta. Kibili nabonse abo Taata” (inshita yapita) “Ampela, bali nokwisa.” Ico nacilungama, bena bali...

²³⁴ Nshacetekela muli ici cakufundisha caba Baptisti ica—ica bucingo bwa Muyayaya. Nalicetekela ico munshila imo, lelo Nacetekela ukutila imwe mwaliba abacingililwa ilyo muli mu Chalichi. Lelo imwe nga mwafuma mu...mwafuma pe semba lya Mulopa wakwa Yesu Kristu, imwe ninshi tamuli abacingililwa. Ine ndi uwacingililwa ukufuma ku mfula ilyo Ndi muno pano.

²³⁵ Kibili lintu wabatishiwa muli Mupashi wa Mushilo, kibili *watila* naukwata Mupashi wa Mushilo, kibili nomba wakanai Cebo cakwa Lesa? *Watila* lintu wabatishiwa muli Mupashi wa Mushilo, kibili nomba wakanai ukutila i Cebo teca cine?

Nomba uyo kuti aba shani Mupashi wa Mushilo lintu Ena ali ni Umo uwalembele Baibebe? Mupashi wa Mushilo ukukana i Cebo Cakwe Cine, atila, “Ine—Ine nalilufyenfy, iwe naulungika”? Iyo, uyo ninshi te Lesa. Iyo, mukwai.

²³⁶ Ulupanga Ulwatwa! (Shikulu, tutumineni i Mbila iikalamba.) Ico eco tuleloleshako. Nomba, ifyo fine, lintu akesa nokupekanya yalya amabwe nokuyaputula ukuba ayaku cikulwa, cinshi icili noku citika? Abengi tabakeminine ku kwesha kwa Cebo. Bali nokutemwa akabungwe kabو ukucilapo pafyo batemwa i Cebo cakwa Lesa, nangula ico i Cebo kuti caba icashininkishiwa na ulya muntu. Ali nokuba kasesema uyo uuli nokwihila mwi Shina lyakwa Shikulu, kabilo euli nokuba umo uuli nokwisa pe sonde. Nalicetekela ico.

Oh, umuntu onse atile, “Lyena lili nokuba ibumba ly a bantu.”

²³⁷ Ndefwaya anange muli Baibebe apo cena cikaba ibumba ly a bantu; Lesa ninshi ali nokutoba i Cebo Cakwe Cine, Ena tekuti acite ico. Iyo, mukwai. Alaile ici icakutila. Cena cikaba umuntu umo. Kabilo nomba kuli nokuba bambi pamo na ena, ifyo fine, amakana, i Chalichi conse icabacetekela cikaba pamo na ena, konse konse.

²³⁸ Kwati nga fintu cali munshiku shakwa Noa, takwakabe abengi abakapusuka, pantu Yesu atile, “Nga fintu cali munshiku shakwa Noa.” Bushe mwalishiba ico? “Nga fintu cali munshiku shakwa Loti,” (bapendeni pamo) “eico efyo cikaba.”

²³⁹ “Imyuulu ne sonde fili nokupita, lelo i Cebo Candi tacakapite.” Mwamona ico Ndepilibula? Oh, munyina, cawama twapendamo, cena kuti caba ukutila inshita naipwa. Kuti caba limbi twabuka ubushiku bumo nokumona ukutila ifwe natubulishapo icintu cimo. Mufwile mwaba abacenjela! Loleni, pepeni, fwayeni, fwailisheni, mwileka Cena cimipite. Kabilo, ibukisheni, lintu i Cebo cakwa Lesa cashimikilwa, Lesa alaba uwashingamwa kuli ico i Cebo kabilo ali noku Cishininkisha.

²⁴⁰ Mwishibe ico Alandile kulya, cinshi icacitike munshiku shakwa Loti? Atile, “Nga fintu cali munshiku shakwa Loti.” Cinshi cacitike kulya ilyo umulilo taulapona? Cinshi cili nokucitika nakabili ilyo umulilo taulapona, musango nshi wa mbila i Chalichi cili nokukwata? Te Sodomu nomba, Chalichi casalwa. Sungenifye fyena fitatu: kuli abena Sodomu; kabilo kwali Loti nebumba lwakwe, ichalichi cabafye; kwali Abrahamu, uwa Salwa. Bonse bakwete imfila, ee, ku nkcombe ishatusana pusana. Moneni umusango waile ku Chalichi casalwa, ico Acitile kuli Abrahamu. Yesu atile, “Eico efyo cikaba pakwisa kwa Mwana wa muntu.” Nomba, ifwe tekuti tukane ico, ico bwino bwinoefye eco Yesu alandile. Eico, ifyo fine cena cili nokuba muli iyo nshila.

²⁴¹ Nomba, abengi...lintu Yesu akesa nokuleta ukweshiwa nokutila, "Mufwaya mu Malembo, pantu muli yena mutontonkanya kwati emwaba u Mweo wa Muyayaya, kabili yena eyapela ubunte pali Ine," bushe bena kuti bashipikishako ku kweshiwa? Iyo. Kabili umuntu onse alishiba, ukulanda konse ukwa mabwe ayo ayashingashipikisha ku kwesha kwa Cebo yena kuposwa pa mwina. Yena kulepauka, nokutobaulwa na menshi, yena tekuti yashipikishe ku kweshiwa. Oh, mwe bantu, nomba nokuposwa ku cishala! Lesa lyonse alolesha pa mibebe mucifulo ca mpendwa.

²⁴² Ndeisalila. Munjeleleko Namisunga pali iyi nshita iitali, Nshaciminina pakucita ici. Lekeni fye mu—mu nshita inono, shibili, nandepo ici icakulekelesha, nomba Nalalekafye mukashita akanono. Ndesubila Ine—Ine—Ine ninanda icintu cimo icakumyafwilisha, mwamona, ukumyafwilisha mukubelenga. Mwamona?

²⁴³ Lesa lyonse amona pa mibebe, tepali bu membala. Kabili ileelo tulecita icapusanako. Tupenda bumembala, ukufwala kusuma, abalipila bwino, mucifulo ca mibebe. Uh-huh.

²⁴⁴ Eliese alipibile, mpaka asanga imibebe. Ico nacilungama. Nani uo engasenda? Kabili acetekete Lesa. Imibebe yanshi? Imibebe yakwa Isaki, nabwinga, ico i Chalichi caba icakupashanyako. Mwalishiba ico. Ulo Iwali lubuto lwa cifyalilwa lwakwa Abrahamu; ulu Lubuto lwa bufumu ulwakwa Abrahamu. Ukuba, nga cakuti Elieza, inkombe ukulunga nabwinga nokwesha ukusanga imibebe, nga ulyo muntu alishile, inkombe ya bushiku bwa kulekelesha, ukwesha ukusanga Nabwinga wakwa Kristu, takafwaye bumembala bwamucilonganino. Ena akalolesha pa mibebe iyo ilefwaya.

²⁴⁵ Moneni! Imibebe isuma intanshi, nomba ukumuteyanya ukukumanya Isaki. Kabili alisangile imibebe, nokumulenga aiminina shilili pansiha iyalinga ukuti omfwe imbila yakwa Isaki.

²⁴⁶ Ilya e nkombe ya nshiku sha kulekelesha, Ulubuuto lwa cungulo bushiku, intanshi kuwaya i Chalichi cilya (nikwi eko bakacetekela i Mbila?), ilungeni. Bushe kuti mwabelenga ico Ndelandapo? Fwaya uko cilya Chalichi cili icikakusuminisha ukwingilamo, icishakesale impongolo pacinso cobe. Kabili elyo ilyo mwacita ico kulya, lyena ninshi namusanga imibebe. Nomba nga cakuti akeminina shilili ukumweba ifyo Nabwinga afwile ukufwala! Alingile ukufwala. Iminineni shilili! Nga kuti . . .

²⁴⁷ Lolesheni kuli Rabekah umunono ukumfwa ku cebo conse, umutima wakwe unono waletunta. Ena... Ena—ena alemweba. Nomba, imwe na mupiba, "Nikwisa uko Ndi no kuya?" mpaka Nkasange imibebe. Nomba nga Nasanga imibebe, lyena ndi nokumuleka akeminine shilili pansiha iyalinga ukuti nkamupekanye ukumikumanya. Oh, owe, ifyo caba icintu

ica kwikata! (Kanshi nga twacikwata inshita naimbi inono pali ilye nkoloko.) Mupekanyeni; iminineni shilili ukumfwia imbila yakwe. Elieza taleilandilako, lelo alelandilako umo uwamutumine. Kabilo ena alikwete ifyabupe ukushininkisha ukutila ena atuminwe ukufuma kuli ena. Amen! Ena alefwaya ukumufwika nefi ifintu. Namwishiba ifyo ena amupekenye.

²⁴⁸ Nga cuti Namulengafye ukusamba icinso cakwe! Mwamona? Namwishiba, Na—Nacumfwafye ukucencentwa pali ico, eico Ningile naikala shilili. Nangu cibe ifyo, Ninanda ifingi, namwishiba ico Ndelandapo. Cisuma, kutikeni, imininenyife shilili.

²⁴⁹ Moneni, inkombé ya nshita ya mpela, umulimo wakwe kulenga abamushilo ukuiteyanya, Nabwinga uwaiteyanya kuli Shibwinga. Iyo ili nokuba i Mbila yakwe. Nomba mulefwaya ukusambilila ABC pakutila mwingsoma insamushi kuntanshi? Ilyo ifi fimbì fikakatikilo panuma fyaisulwa fikasokololwafye kuli fyena. Ico nacilungama. Ukusambilila ABC intanshi. ABC ni cinshi? “Lyonse Cetekeleni Kristu,” (te cisumino cenu), Kristu. Mwamona? Cetekeleni ifyo Alanda, tefintu umuntu umbi alanda.

²⁵⁰ Nga cintu capusanako, ngo mwaume amyeba ukutila, “Cilifye bwino kuli imwe ukubeya imishishi yenu, abanakashi,” namwishiba ukutila alebepa. Baibele itila cilubo. Nga alanda ukutila, “Iwe kuti waba dikoni kabilo ucili walikwata abakashii bane nangu basano,” ena alebepa. Ico cintu capusana ku Cebo. Mwamona? Fyonse ifi fintu fimbì ifyo tulandapo, cibikeni ku Cebo nokumona nga cakutila nacilungama ukulingana ne Cebo.

²⁵¹ Ukubwekesha ichalichi ku Cebo. Nomba, nicinshi iyi nkcombe yakwa Malaki 4 ikacita? Ukubwekesha Icitetekelo ica pakutendeka, Icicetekelo ica kubuka. Ukutila, bena balimwene Yesu panuma Ena abuka ukufuma kubafwa, bali Mumwene ukubomba pakati kabo.

²⁵² Bali abaume bamashiwi ayanono. Baile mukushimikila i Cebo. Oh, balishimikile inshita iitali, Paulo alishimikile inshita yonse iyabushiku inshita imo. Mwamona? Umuntu aliwile mucikulwa, aliipeye umwine. Ena abikile umubili wakwe pali ena, amuletele ukumubwesesa ku mweo nakabili, mwamona. Mwamona? Mwamona, atwalililepofye ukushimikila.

²⁵³ Nomba, moneni bena bali abantu abapusana ukucila ifyo ba Ph., L.L., Q.U.S.T., nafyonse ifyo mwingsaca, efyo cili ileelo. Cinshi? Cilapatula inkombé kabilo...I Mbila, ntile, ku nkcombe, bakapatula abacetekela ukufuma ku bashacetekela. Bamo muli bena bali nokwiminina na Cena, kabilo bamo tabali nokucita ico. Bamo ba Lutherani...Bamo ba Katolika baiminine na Luther, bamo tabacitile ico. Bamo pali ba Lutherani baiminine naba Methodisti, bamo tabacitile ico. Bamo baiminine naba Pentecosti, kabilo bambi tabacite ico. Bamo bali

nokwendela pamo no Lubuuto lwa cungulo bushiku, bambo tabali nokucita ico.

²⁵⁴ Musango nshi mukeshiba nga cakutila cena Lubuuto lwa cungulo bushiku nangu iyo? Cesheni ne Cebo (te Cebo fye *cimo*, i Cebo conse ukubikwa *pamo*), moneni nga cakutila cintu calungama nangu iyo. Oh, cena ni cinshi? Nomba nga iyi Mbila iletwala icishininkisho cakwa Lesa alebomba ifyo Alandile ukuti Akacita, kabilo catantikwa ne Cebo, nomba i Cebo calishininkishiwa nge nshita shimbi nafintu bakasesema bambi bacitile.

²⁵⁵ Moneni ilyo i Mbila...ilyo...Moneni ilyo i Mbila yakanwa kubantu, kabilo inkombe imoneka ukuba iyacimfiwa umupwilapo, yena tekuti isange iciibi cimbi, yena tekuti ikwate icifulo.

²⁵⁶ Ngefyo Shikulwifwe aali. Ibukisheni, ilyo Ena aali...Oh, ilyo Ena aleundapa abalwele, Kasesema uwa caice, “Oh, owe! Ena Muntu umukalamba!” “Shani, Kafundisha, uli shani?” Lelo ubushiku bumo Ena aikele pansi no kutendeka ukubeba Icine. Ena asangile ububile nechalichi, abantu. Amakana bali Mukonkele. Ena alikwete bakapyunga amakumi cinelubali uku Mushinguluka, kunse ka bekumi nababili. Nomba ubushiku bumo panuma Apilibula umukate...nangu ukupilibula i... ukufusha umukate, ukushininkisha ukutila Ena aali ni Lesa, pantu Lesa aponeshe umukate ukufuma ku Muulu. Ee. Mwamona? Afushishe imikate. Kabilo lilya line panuma ya ico...Aendele pa menshi, abombele ifisungusho, nokucita ifintu ifyo Ena acitile, ukushininkisha ukutila Ena euyowine.

²⁵⁷ Kabilo nomba, lintu Acitile ico, Aikeleko nokutampa ukweba abantu mukubakomenkesha. Abantu balikene nokuya. Kabilo aba makumi cine lubali batile, “Uh! Ninani uwingomfwa Ici? Uku ukulanda kuntu kwakosa. Iwe wabongolola ico ifwe icine cine twatontonkanya ukuba icintu cimo cimbi. Nomba, iwe niwe Nani uwakutweba ifi fintu?” Kabilo baile nokufumapo.

²⁵⁸ Nomba Yesu apilibukile kwi bumba Lyakwe ilinono, nga munshiku shakwa Noa, nga munshiku sha Sodomu, atile, “Naimwe mulefwaya ukuya, pamo?”

²⁵⁹ Nomba Petro atile muli yalya amashiwi yakalamba, “Shikulu, nikwisa uko ifwe twingaya?” (Lesa, twafweni.)

²⁶⁰ Moneni lintu i Mbila yakanwa kabilo ne nkombé yamoneka ukuba iyacimfiwa, ilyo elyo Lesa esa nokumonekela pa ncende palecitika ico, i Mbila yakwe ninshi yapwa.

²⁶¹ Noa, (mukwisalila nomba), Noa ashimikile pa mwinshi wa bwato bwakwe pa myaka umwanda umo na makumi yabili, mpaka, mukulekelesha ba musekele noku mupumya, Noa aingile mu bwato ukutontonkanya ukutila ca...cena calabafye icalungama. Lesa aisele icibi. Kabilo na bantu baikele balelolela

ukumona icalacitika. Inshiku cine lubali aikele palya alelolela, kabi pa bushiku bwa cine lubali imfula yaishile. Uh-huh.

²⁶² Mose, cinshi ico alimo? Ali palya pene pa mulongo wa mulimo, aletungulula abantu. Bemba Wakashika amucingilile. Ali pampela yabulendo bwakwe. Cena cali nomba icakutila Lesa aishile nomwela waku Kabanga nokwisula bemba, pampela yamusebo.

²⁶³ Cali ni Daniele, uwaiminine pa mbila yakwe uwatile, “Ine nshakaikoweshe palwandi pamo neli isonde lya mfumu.” Aiminine uwacine kuli Lesa, ali uwalungama monse munshila yabulendo bwakwe ukufika nakumpela, camoneke kwati impela ya nshita yakwe yafikile, bena bamuposele mu ninga yankalamo. Lesa aishile palya pancende.

²⁶⁴ Kibili ulucelo lumo, mulya mu Babiloni... Ameni! Naloleshe mu Muulu, Namwene i—i Cipuna, Ba malaika nabeminina ukushinguluka. Naloleshe panshi muno mu Babiloni, Namwene i—i luungu ilyalepya. Namwenemo abana batatu abaiminine mulya beletila, “Lesa Wesu tafilwa aletupususha.” Mwamona? “Lelo ifwe tatwafukamine icimpashanya cobe, pantu cena cili icapusanako ku Cebo.” Mwamona? “Ifwe twiminine pano.”

²⁶⁵ “Nacilungama,” imfumu yatile, “endeni nokunina ama sitepu, imwe mwalapya.” Umukalamba umuntu wa pamfuka, pa mpela uwali neli fumo, pano baishile nokunina ama sitepu, sitepu na sitepu, kwaleya kulekabilako nokukabilako.

²⁶⁶ Namwene Malaika naiminina, ku lubali lwa Cipuna, atintile ulupanga nokulufumya, atile, “Mwe Taata, lolesheni panshi kulya, cinshi icilecitika! Lekeni ine njikile panshi, Nine Gabriel, Nalaya cinja imibele.”

²⁶⁷ “Bwekesha ulupanga lobe mwiyala, Gabriel. Nimona cena.”

²⁶⁸ Kwaishile umbi, atile, “Mwe Taata, Nine Wormwood, Nine konaula na menshi. Mu nshita ya lyeshi, umuntu abembwike nokucita ububi abantu Bobe, kibili Ine—Ine napilibwile isonde lyonse ukuba icalo ca menshi. Ndi nokufumyapo Babiloni pali mapu muno lucelo. Lekeni ndeya.”

²⁶⁹ “Ninjishiba kuti wacita ico, Wormwood, iwe uli Malaika wa cishinka. Mwamona? Lelo, tekuti Nkuleke iwe uleya, iyi nincito Yandi. Nalaya, Palwandi.”

“Pano, Mwali bamwene?”

²⁷⁰ “Nalibamona inshita yonse iya bushiku. Nalyumfwa ukulongana kwabo ukwa mapepo. Nalimona ukwiminina kwabo pa Cebo Candi. Nkaba kulya pa nshita.” Oh, owe! Ndемumona Aiminina nemingila Yakwe yapona ukumushinguluka Ena, ngefyo, nokutila, “Isa kuno, umwela waku Kabanga, ku Kapinda ka ku Kulyo, ku Masamba. Tampwileni pesamba lya cilya icibulomo kulya, Ndi nokukunina nge celeta muno lucelo.

Ndeya mwisamba mu Babyloni, Ndeya mukupilibula ifintu.” Oh, munyina, Ali munshita iisuma!

²⁷¹ Ilinso lyakwe lili pa nseba kibili Ninjishiba ukutila Alemona pali ine. Ena acili alemona muno bushiku, ukumona pali ine, Ena alelolesha pali imwe. Alamona libe natwiminina nangu tatwiminina, ubusalo ubo twalapanga, nga cakutila tukeminina abacine ku Cebo nangu ukataluka kuli Cena. Cili mupepi ukucila ifyo muletontonkanya.

²⁷² Yakobo, munshila yakwe iyakuya kumwabo, aali uwaputwamo ukubwekelamo kumwabo, munyina wakwe alimukumenye. Oh, lelo inshita imo iyabushiku alishombweke na Lesa. Aali uwamwenso ukukumanya munyina wakwe, lelo ulucelo lwakonkelepo aali uwabula umwenso. “Nshilekabilia Esau nangu ifita fyakwe, nangu umo.” Lesa aishilemonekela pancende. Mwamona, Ena acita munshila iyaibela.

²⁷³ Yesu, ukukanwa, panuma yakuba Umwana wakwa Lesa uwashininkishiwa, atile, “Nga Nshicitile imilimo yakwa Taata Wandi, mwinacetekela Ine.” Ena aali Ulubuuto ulwa bushiku (Ena acili Ulubuuto!), aishilemonekela pancende. Kibili abantu, cikulufye Ena kuti acita . . . umukate nesabi nemikate, bena bali Mukonkele. Lelo ilyo Ena atendeke ukubeba Icine ica Cebo, ico calibapatulwile, balikwete ifishilano fyabo ifyo baleikatililako. Cena cali icapusana, nomba namwishiba Ena ali bwino bwino pamo na Malembo. Lelo amenso aya pofula ayesonde tekuti ya Cimone; nangula bena nomba, nangula bena mu nshita iili yonse, Ndepilibula, bonse capamo. Nicnshi cacitike? Camoneke kwati Alicimfiwe.

²⁷⁴ Moneni, ukufuma pali ilya ine nshita, ukulumbuka Kwakwe kwali Mushile. Lilali? Ilyo Atendeke ukubeba i Cebo. Ilyo Ena aleya mukukwata—mukukwata ukulongana kwa kundapa nemisonkano, umuntu onse ale Mufwaya, “O mwe Kasambilisha, iseni kuno!” kibili, “Mwe Kasambilisha, iseni kuno!” Lelo ilyo Isambilisho Lyakwe lyatendeke; “Oh, Ukusambilisha Kwenu kulefulunganya abantu besu.” Oh, ubusuma! “Oh, Ine tekuti Misuminishe muchalichi candi nakabili, Kafundisha, pantu, mulandu nshi, Imwe mulefulunganya abantu besu, Ukusambilisha Kwenu kwaba ukwapusana nganshi kufyo twacetekela.” Cena tacapilibuka. Mwamona? Cena tacapilibuka. Ee. “Tekuti tu Misuminishe, Kafundisha!” Lelo Ena aali uwashininkishiwa, ukushininkishiwa na Malembo Ifyo Ena aali, lelo bena tekuti bacetekele Ico.

²⁷⁵ Mukulekelesha Ena alitwalilile mpaka pansiha yakulekelesha, ilyo Satana atontonkenye ukutila “Ni Mwikata,” ena ali Mutanike pa capindama. Pansiha, pansiha, pansiha, mpaka mukulekelesha batontonkenye ukutila bali Mwikete, ba Mubikile munshishi. Lelo lilya elintu Lesa aishilemonekela. Ukufuluma ku nshishi Aishilebuka! Mulandu nshi?

²⁷⁶ Icintu cimo cine, Paulo, atile, “Fyonse... Dema nansenguka ine. Abantu bonse nabandekellesha pamulandu wa Cebo.” Nshilecetekela Dema aile mumayanda yamangalo yabushiku ne fintu. Lelo Dema alefwaya ukuya, Dema ali umuntu umukankala. Kibili ena alefwaya ukuya nebumba ilyalumbukwa, kibili eico alile kulya uko bonse abashala baile. Kibili nomba Paulo atile, “Abantu bonse nabaasenuka.” Mulandu nshi? Bukapyunga bwakwe, ena aleisa kwilibwe ilya kwisalilako ilya cena, ukwisa ku mpela.

²⁷⁷ Ukukabila kwakwe kwali ukuba uwaipaiwe pantu alipeye Stefano, apele bukambone imfwa yakwe no kusuminisha cena. Ena alefwaya ukufwa. Ilyo i... Agabus, ulya uwaishibikwe kasesema, aiminine na ena nokumukanya ukuya ku Yerusalem, atile, “Ninjishiba ukutila nshifwile ukuya. Lelo Nshilefwayafwe ukuya, ukuya mwikoli uwakakwa, ku Yerusalem, lelo Ndi uwaiteyanya ukuya nokufwila Shikulu Yesu.” Cali ni cinshi? Ena alekakatika bukapyunga bwakwe.

²⁷⁸ O mwe Chalichi cakwa Lesa uwa mweo, kuti twalandi inshita yonse iya bushiku. Musango nshi twalakakatike i Mbila yesu? Ni mumusango nshi tuli nokucitilamo ico? Lesa, twafwilisheni ukusenda ici Cebo, ukwiminina ababulamba. Lekeni mfwé ne Cebo; njikalile ne Cebo, ukufwa ne Cebo. Salanganya Ulubuuto, pantu kukaba Ulubuuto munshita ya cungulo bushiku. Tuli muli ilya nshita, mwefibusá. Natu Cicetekele, ilyo tulekontamika imitwe yesu.

²⁷⁹ Intanshi, Ndolomba ubwelelo pa kumisunga inshita yonse iyi, pama ora yabili, ora nama miniti amakumi yane na yasano, Ndetontonkanya, ifyo fine. Ndesubila ukutila tapali nangu cimo icicenene. Ifwe tatulingile ukumfwa ububi. Ukutila, nga ico cili mu yesu—nga ico cili mumitima yesu nomweo, lyena ifwe twalilufyanya, fwebene, nga ifwe bakapyunga twalandafye ifyo fintu, mwebabwananyina muno, aba baume abaisushiwa na Mupashi wa Mushilo. Mwamona?

²⁸⁰ Ilyo Napuswiike kibili Naebele kakumba wandi uwaku Baptisti ukutila Nalipokelela Mupashi wa Mushilo, nafyonse ifi fintu, ifi... kibili Malaika wakwa Shikulu anjebele ifyakucita, atile, “Iwe ufwile walikwete iciloto cakutinya, Billy.”

Natile, “Dokota Davis, Namwene Malaika.”

²⁸¹ Atile, “Oh, ifyabulamo amano!” Atile, “Ico ca—ico cakwa ciwa.” Mwamona? Oh, owe, ifyo cilya cangumfwisha ububi! Atile, “Uli no kushimikila ku shamfumu na bakateka?”

Natile, “Ifyo efyo Ena alandile.”

Atile, “Na masambililo aya mu gradi sebeni?”

Natile, “Ifyo efyo Ena alandile.”

²⁸² Atile, “Ninani uletontonkanya akakutika? Ukuya shimikila ukundapwa kwamaka yakwa Lesa mubushiku nga ifi, kabilifyonse ifyakufwailisha ifisuma ne fintu?”

Natile, “Teti mbakanye ba Goliat abeminine kulya.”

Atile, “Nani uletontonkanya aka kumfwa?”

²⁸³ Natile, “Nga cakutila Lesa alentuma, kuli nokuba umuntu umo uwakungumfwa.”

²⁸⁴ Nshaishibe pali imwe mwe bantu lilya. Kabilo ilyo Naishile kuli imwe, califye kwati kubika amaclapsi pakuboko, Naliba uwalinga bwino naimwe. Nalimitemwa. Nalimitemwa. Nalitemwa ba munyinane ba kakumba. Muletontonkanya ba Presbyteriani, ba Methodisti, nangu Lutherani, kuti baisula chalichi cabu ngefi munyina acita muno bushiku, kuli ifwe ukwikala pano no kushimikila iyi mbila ya musango uyu? Iyo, mukwai, awe nakalya. Aba baume abashipa abo abacetekela Icine. Nomba iminineni ne Cebo pamo nabo, mwamona, talukeniko kufintu fya mwisonde.

²⁸⁵ Mwe nkashi, lekeni imishishi yena ikule. Mulefwala indeleshi shenu, ishisuma kabilo ishabusaka. Fyanson pali imwe. Fumyenipo uyo penti pa mpumi shenu. Mwamona? Namukwata Amalembo ayengi pakubika penti ukucila paya kuputula imishishi yenu. Ico nacilungama. Tamufwile ukucita ico. Tamufwile ukucita ico. Baibele yalande ukutila cintu cabulamo umucinshi ku mwanakashi ukucita ico. Umushishi ebukata bwakwe. Nomba imwe mwatila, “Ico cintu icinono.” Ico nacilungama, lekeni tufumye utuntu utunono mu nshila kabilo nomba tulelanda pa fintu ifikalamba. Lekeni tutampe bwino.

²⁸⁶ Nomba, mwebabwananyina. Oh, owe! Lekeni nande icintu cimo ku mwaume. Mista, munyina wandi, ngacakutila waleka umukashi obe acita icintu caba ngefyo, Ine ndi ne nsoni pali iwe, kabilo uulanda ukuti uuli muntu-waisulamo no Mupashi. Insomi shibe pali iwe, leka umukashi obe aye pa musebo.

²⁸⁷ Kabilo ukufwala kobe konse kwabafye kulungana kulungana nafyonse ngefyo, kabilo bushe walishiba Baibele ifyo yalande, Yesu atila, “Onse uwalolesha pa mwanakashi no kukwata ulunkumbwa lwakwe ninshi acita nankwe ubucende”?

²⁸⁸ Iwe watila, “Nomba lolelako pakashita akanono, munyina wandi, Ndi wakaele.” Ndecetekela naiwe pamo, nkashi yandi, uuli wakaele mumucitile ya cifyalilwa. Lelo ngacakutila waipela palobe we mwine kabilo nomubembu alolesha pali iwe, kabilo naiwe waipela palobe ngefyo, ninani uuli nomulandu? Niwe, pakuijela we mwine weka. Nomba pa bushiku bwa Bupingushi, ilyo ulya umubembu akasukila pa bucende, ninani untu acitile pamo nankwe mu mutima wakwe? Niwe! Mulandu nshi? Pantu waipele palobe weka we mwine. Nomba, ico fye e Cine.

²⁸⁹ Bushe tekuti, bushe tekuti, iwe nkashi, mukwai, mwi Shina lyakwa Yesu, Nkwipushe nga ndume yobe, ukulunguka bwino?

²⁹⁰ Munyina, insoni shibe pali iwe pakucita ing'anda yobe ngefyo, lungika bwino. Ine—Ine nalikwata isubilo lisuma pali iwe ngo mwaume. Mwamona?

²⁹¹ Ba kakumba abaleka balyaabantu baisaba mukati, baba ba dikoni nafyonse ifintu fimbni ne ncito ngefyo, ali pamo na babili nangu batatu abakashi abali no mweo, nefintu, bushe tamuli ne nsoni, bakapyunga? Bushe tamuli ne nsoni pali ifyo fintu? Kibili nokubabula ukuba ba membala mulya lintu baleikalama buconde, kibili nokupeepa imishanga, nokulacita fyonse, kibili nokukana landapo pali ico ukufuma ku cintamba. Insoni pali imwe! Nda—Nda—Nda kupeela iwe, munyina.

²⁹² Lesa amipale. Ndetotela pakutekanya kwenu ukushipikisha pamo naine. Nomba, Ndesunguka . . .

²⁹³ Ulubuuto lwa mucungulo kasuba na lwisa. Ulubuuto lwamucungulo kasuba luli pano, ukubwelela pa Cebo.

²⁹⁴ Nomba, ne mitwe yenu iyakontama, imitima yenu iyakontama, uipushe we mwine ili lipusho, “Bushe Nalifikapo pali ici Cebo? Bushe Nalifikapo?”

²⁹⁵ Ipeepo lyandi lili, ukufuma kuno cintamba, “O mwe Lesa, putuleniko kuli ine icintu conse ico icishili nga Imwe. O mwe Lesa, fumyeniko kuli ine.” Ifwe tuli pano pa mpela yabulendo.

²⁹⁶ Cisuma, bushe kuti mwaba ababufuma cumi ukwimya amaboko yenu nokutila, “Lesa, putaula ukufuma kuli ine ifintu fyonse ifishili nga Imwe. Mpangeni ine, Shikulu, mumbeni nokumpanga”? Shikulu amipale.

²⁹⁷ Nga kuliko umuntu uuli onse uyo ushaba uwalungama, kibili ena mubembu kibili naingila muno muno bushiku, kibili tatalile pokelela Kristu nga Kapususha, nangu uwabwelela inuma nangu icintu cimo, kibili alefwaya ukubwela, namwitwa ukwisa iminina pano pacintamba. Nga namucetekela ukutila Lesa kuti aumfwa amapepo yandi ayabalwele, Nincetekela ukuti Ena kuti angumfwa. Kibili imwe Naine capamo ilyo tulebika icicetekelo cesu pe Lambo, Yesu Kristu, u Mwana wakwa Lesa, kibili nokupela ipopo, Nincetekela ukutila Lesa alaumfwa. Namwitwa ukwisa iminina kukupepelwa.

²⁹⁸ Nomba, Shifwe uwa mu Myuulu, tulepela kuli Imwe ili bumba, aya mashiwi ayatobaulwa ayo ayakokola, Shikulu. Nangula abengi nabanaka nokufunshika nokuya ku ng'anda, kibili nalimo bambo nabomfwa ububi panono, kibili, Shikulu, Ine—Ine tekuti njishibe uyo uuli mwibumba inshita yonse. Kibili, nangu cibe fyo, mwe Taata, Cena Cebo Cenu kibili Imwe mwalishiba umutima wandi. Eico . . . kibili Ine . . . Akalanda kuli ine nga Nshilecicita. Kibili Ni—Ningile ukucicita, Shikulu. Eico Napepa nomba ukutila abantu abo abakwata ukwiluka

ukwa Cebo bali nokumfwikisha bwino bwino, kabilii Ndi uwashininkisha ukutila balya abo Imwe mwaita ku Mweo bakaba, ukutila te cintu icili conse mwisonde lelo umutima uwaisushiwamo ne citemwiko cakwa Lesa na Chalichi Cakwe ico Ndepapatilako ifi fintu.

²⁹⁹ Mwe Taata, mubutuntulu ukuboko konse muno kwaciya ku kusembululwa, mukuputulwa ifilundilweko ifishilingile ukubapo. Lesa, twafwilisheni bonse. Ndeimininafye pamo nabo, Shikulu. Ndi umo pali bena, Ndelolesha ku kwisa kwa bushiku ubwa nsansa ubwe Kana limo ilyo ulubembu ne nsoni fikonaulwa umuyayaya. Kabilii, mwe Taata, ilyo tuli muli ili sonde twalishiba ukutila tuli abanakila kuli ifi fintu, ifwe tulanakila ku filubo, ifwe tulanakila kulubembu, ifwe tucili tuleenda, kabilii nomba tatulekabila ukucicita. Nga fintu Baibebe yatila, “Mwinenuka nga bamikalipila.” Lelo Napepa, mwe Taata, ukutila ukukalipilwa kwa Cebo kumputule mukukosa nga fintu kuleputula abashala bonse. Kabilii Napepa, mwe Taata, ukutila bera bali nokucumfwa cena muli ulya musango.

³⁰⁰ Napepa ukutila Imwe mwalabapala nomba. Kabilii lekeni ici, ngafintu tupeepele kunuma, Shikulu, ukwishiba nokumona ifyo twipwishepo, pantu tatulefwaya ukwipusha mukuluba, tatulefwaya ukwipusha pa cintu cimo ico icakupangafye amashiwi, pantu ifwe tulelanda kuli Imwe.

³⁰¹ Ndeipusha Imwe ukupaala munyina wesu umunono pano ulya uwacisuula icibi cakwe kuli ine ukwisa no kwingila mukati muno nshita yabushiku. Napepa ukutila Imwe mwalapaala ichalichi cakwe kabilii lekeni onse membala wakwe, Shikulu, abefye... Lekeni iyi ibe ing'anda ya lubuuto, incende apo ifyabupe fyakwa Lesa filefukumuka fileya kabilii nafyonse ifintu fileendafye bwino.

³⁰² Paleni onse kapyunga uwikele pano, ama chalichi yabo. Kabilii lekeni mube ukusukanya ukwaba ifyo, nangu ukulila kwa ciunda mucimuti ca malubeni, ica Mupashi wakwa Lesa ukuya monse mu Phoenix, kabilii nokuleta amachalichi kwi senge naku—nakukupuputulwa kukalmba, icakutila ba kapyunga tabali noku lashimikila, pa Bukata bwakwa Lesa; lelo lintu abashila baisa mukwangufyanya mu cungulo kasuba, ukulila nokupeela ubunte ne mbila, ukupongolokafye kwa Mupashi wa cine, lintu umusumba onse uuli noku cebulwa ukwisa, kutikeni. Fikilisheni ico nomba.

³⁰³ Undapeni abalwele abali pakati kesu, Shikulu. Peleni kuli bera ubulubulo bwa maka yakwa Lesa, mwe Taata, ukupititla mwi Shina lwakwa Yesu Kristu.

³⁰⁴ Nomba ne mitwe yesu iyakontamikwa, ngacakutila paliko umo pano uyo uulefwaya ukwiminina pano pene pa cipailo nomba, kabilii ilyo tukontamike imitwe yesu, kabilii twala ingwinwinsha nolulwimbo lunono, u—u—ulusuma, ulwimbo lwa

kale ulwa Mbila nsuma. Kibili tulefwaya ukuiingwingwinsha nalwena. Kibili lintu tulecita ico, ngacakutila kuliko umo umuntu uulefwaya ulekabila ifwe ukumupepelako, u—ukuya mukushika kwakwishiha, ukwa kupokelela Mupashi wa Mushilo, nangu iwe walipusuka kibili taulati ushishiwe nanomba, nangu conse ico cingaba, ifwe twalaba abansansa ukucita ico ilyo tuleingwingwinsha no lulwimbo lunono, *Ine Nalimutemwa Ena*. Kibili ngacakutila iwe walimutemwa Ena, natucindike i Cebo Cakwe nomba.

Ine nalimutemwa Ena, Ine nalimutemwa Ena
 Pantu Ena ewabalilepo ukuntemwa
 Kibili nokushita ipusukilo lyandi
 Pa cimuti capa Kalbale.

³⁰⁵ Ilyo baleisa, Ndefwaya cila umo abule incende yakwe pano nomba. Nacilungama, nkashi.

...nalimutemwa Ena, Ine nalimutemwa Ena
 Pantu Ena...

Iseni nomba, ukushinguluka icipailo, imwe mwebalefwaya ukwisa nomba.

...ine
 Kibili ashitile ipusukilo lyandi
 Pa Kalbale...

³⁰⁶ Cinshi ico imwe bambo bankanshi ne mishishi iipi tamwingeshila pano nokulaya kuli Lesa? Mulefwaya ine mibelengele ico ukufuma muli Baibele? Nacilungama. Cinshi ico tamwingeshila, nokutila, "Shikulu, Ndefwaya ukuba uwalungama mufintu fyonse, kibili Ndefwaya ukutampa uwalungama. Kibili Ndefwaya ukuba pa musebo uwalungama nokwikala palya. Nalapanga ubulayo kuli Imwe muno nshita ya bushiku, Shikulu. Shena shili nokukula ukufuma nomba nokuya kuntanshi"?

³⁰⁷ Baibele yalande ukutila cansoni ku mwaume ukukwata imishishi iitali, ukumoneka kwati mwanakashi. Lesa apangile ifipangano fibiili, cimo na Adamu nacimo na Efa. Abafwikile ifyapusanako. Baba abapisana, bonse capamo. Bena lyonse baba abapusana. Mwaba ifipangano fibiili ukuya mulya mwine muli Baibele. Ndefwaya nkanshimikile pali ico icafipangano fibili ubushiku bumo, inshita imbi, nkamilangishe ubupusano bwabapo. Oh, owe, cena cikalamba. Cena caba fye namu mulandu wa cupu no kulekana, ngacakutilafye imwe mwalishiba icine pali ico, kuti capwisha umulandu onse. Ico nacilungama. Cisuma, nakabili nomba, ilyo ifwe twaishiba. Iseni, bushe mwalaisha?

Ine nalimutemwa Ena...

Imwe mulekabila Mupashi wa Mushilo? Iseni pano pa muulu, nokwiminina ukushinguluka.

Pantu Ena ewabalilepo ukutemwa ine
Kabili . . .

Imwe mulefwaya ukwenda mupepi pamo na Ena? Iseni, mupange umulapo, mwiminine kulubali Lwakwe nokusunga ico. Cena tacili nokucita icisuma ukupanga umulapo kano imwe mwasunga wena.

Pali . . .

Imwe kuti mwaisa nokupanga umulapo wenu. Lesa afwile aisula ico. Imwe mufwile mwaikatilila umulapo wenu.

³⁰⁸ Nomba Nalaipusha ba munyina wandi bakapyunga nga kuti baisa pano nomba, nokwiminina ukushinguluka aba abantu bawama ilyo tulepepa nomba line, ukulanda kuli cilaumo nomunankwe, ukwipusha pafya kukabila fyabo nomba ilyo ifwe tuli pano.

³⁰⁹ Cila umo ukubafye uwa mucinshi ngafintu iwe wingaba. Nomba, Lesa ali nokukucindika, bafye uwacine uwa mucinshi mpaka ili peepo lyacitwa. Iwe kuti waisa pano pene nomba, muno pano, ukushinguluka, pamuulu kabilii kunuma ya aba bantu bemininine pano kukupepelelwa.

Pa cimuti capa Kalbale.

³¹⁰ Nomba kabili, ilyo bakapyunga balekolongana ku mbali shonse shibili.

Ine nalimutemwa Ena, Ine . . .

Nalitemwa ukumona ico, bakapyunga ba tubungwe twalekanalekana, tonse mulikamo; uto utwaba pe samba lya Mulopa.

Pantu Ewabalilepo ukuntemwa
Kabili ashitile ipusukilo lyandi
Pa cimuti capa Kalbale. (Owe!)

³¹¹ Nomba iseni ba munyina, nokulungama pa muntu muleimininapo, bikeni amaboko yenu pali bena nokubepusha ico balefwaya ukufuma kuli Lesa. Pali ino nshita yawamisha? Namwishiba, lintu Namona ici, lolesheni pano, bakapyunga balekana lekana aba muma chalichi yalekana lekana, mwebeminine ukushinguluka pano capamo. Bankashi abaciba mumasanshi nabema, ukufuma, nabaya. Lumbanyeni Shikulu. Eico tuletotela apakalamba pali ico, ukwiminina mwi Shina lyakwa Shikulu.

³¹² Nomba, lekeni ibumba, umuntu onse akontamike umutwe wakwe. Cila umo namwishiba, mu mutima wakwe, alandefye kuli Lesa kwati fintu wingalandia kuli ine; kwati iwe waisa nokutila, “Munyina Branham, Ine—Ine . . .” Ngacakutila iwe naucita icintu cimo icalubana, watila, “Mbelelako uluse, Munyina Branham. Ine—Ine nalacita ico, bushe kuti wanjelelako pali ico? Ndepanga ubulayo kuli iwe, Munyina Branham,

Nshakatale cita ico nakabili kuli iwe.” Nomba cinjenifye ukufumyapo ishina lyandi ukufumyapo ine, ukubikapo Shikulu wenu Yesu Kristu.

³¹³ Kibili ngacakutila iwe ulekabila ubundapishi, kwati ngafintu iwe wingesa nokutila, “Munyina Branham, Ine—Ine nshikwete, Nshikwete necakulya canshita ya cungulo bushiku, kibili, ee, Ninjishiba ngacakutila iwe naukwata dollar umo kuti iwe wampela.” Nomba, mwamona, iwe tekuti ulande kuli Lesa, “Ngacakutila Iwe naukwata amaka yabundapishi.” Ena alikwata, mwamona. Iwe kuti walanda kuli ine watila, “*Nga* cakutila iwe naukwata ico.” Lelo kuli Ena tekuti iwe ulande ifyo, “*Nga* cakutila Iwe naukwata.” Ena alikwata! Mwamona? Iwe kuti walanda kuli ine watila, “Munyina Branham, ngacakutila iwe naukwata dolla kuti wampelako dolla imo? Ine—Ine—Ine ndekabila icintu cimo icakulya.” Mulandu nshi, ifyo fine kuti Nakabila, imwe namwishiba ico. Ngacakutila Ninkwata kuti Napela ico kuli iwe panshita iili yonse. Ine kuti nacula no mutima ngacakutila Nshicitile ico. Kibili ine, ukuba umunkalwe, umuntu walubembu, kibili naba ulya uwa mutima usuma ku muntu umo nga iwe, cinshi ico Lesa engaba?

³¹⁴ “Ngacakutila imwe mwababipa mwalishiba ukupela ifya bupe ifisuma, nga Taata wenu uwamu Myuulu tekuti acilepo ukupela bena u Mupashi, abo abepusha pali Wena.” “Ngacakutila iwe waipusha ukukupela isabi, bushe kuti Akupela insoka? Waipusha umukate, bushe kuti Akupela ilibwe?” Icine cine iyo!

³¹⁵ Mulandu nshi, ngacakutila iwe kuti Wamwipusha muli iyo nshila, ne cicetekelo, ukucetekela ukutila, iwe kuti wakwata ico ukufuma kuli Ena imiku millioni umo mukwangufyanya ukucila pafyo iwe wingakwata icili conse ukufuma kuli ine. Kibili iwe nawishiba Ine kuti nakwafwilisha, Ine kuti nacita icili conse ico Ningacita. Onse pali aba ba munyina kuti acita, ifwe kuti twafwaya ipeni lyonse ukulifumya muli ba batumba besu ukwafwilisha iwe. Ifwe kuti twacita icili conse ico twingacita. Lelo ici cintu ico iwe ufwile wacetekela ukupitila mucicetekelo.

³¹⁶ Nomba, iwe naucetekela ukutila walapokelela ico ilyo tulepepa, kibili iwe peepa, ne bumba lipeepe, kibili Nincetekela ukutila Lesa alaikila nokufikilisha amapeepo yesu. Kibili ilyo ine nshita iyo iwe walaumfwa ukutila wakwata Ico, icakutila Lesa ala asuka ipeepo lyobe, nomba iwe upange icipangano utile, “Shikulu, Nacitile icalubana, Nshakacite ico nakabili. Naimyako ukuboko kwandi, Nalaya kuli Imwe ukutila Nshakacite ico nakabili,” Lesa alakusenda pa cebo cobe. Kibili iwe cetekelafye ico muli iyo ine nshila kibili conse calapwa. Nomba imyakofye amaboko yobe noku Mutotela utile, “Shikulu, Ine napanga umulapo wandi. Kibili Ninjishiba ukutila wena Wenu, kibili Mwalilaya ukwasuka ico, kibili tekuti Mufilwe.”

³¹⁷ Taata uwamu Myuulu, ifwe fwebabomfi Benu, twaiminina pali ili bumba ilishile kuntanshi lilekabila amapalo Yenu kabilo nokukutika Kwenu pali ino nshita. Mwe Taata bena fyuma fyamu Mbila, u Lubuuto lwa munshita uwa mucungulo kasuba. Abengi pali aba, Shikulu, balelapila. Bamo pali aba bali abapamfiwa mukukabila. Napepa, mwe Lesa, ukutila mwi Shina lwakwa Yesu ta Mwatamfyepo nangu umo, pantu Imwe mwalausunga i Cebo Cenu. Ndeleta i Cebo Cenu Mukwiibukishiwa, Shikulu, nga fintu Petro acitile ku basambi lintu bapepele mu Milimo ya Batumwa 4, batile, "Shikulu, ibukisheni i Cebo! Mulandu nshi abasenshi bafulilwa kabilo babantu ukutunganya ifintu fyafye?"

³¹⁸ Nomba, Taata, twaleta i Cebo Cenu. Mwatile, "Ena onse uyo ukacetekela pali Ine nakwata u Mweo wa muyayaya. Ena uyo uukesa kuli Ine Nshakamutamfy. Ena uyo uukomfwa Ifyebo Fyandi nokucetekela pali Ena uyo uwa Ntumine nakwata u Mweo wa Muyayaya, kabilo takese mu Bupingushi lelo napula ukufuma mumfwa naingila mu Mweo."

³¹⁹ Oh, lekeni ifyakwipusha mumapeepo yenu fishibikwe kuli Lesa, kabilo Ali nokutwasuka. Alikwata ifingi... "Ena onse uukalapila imembu shakwe ali nokwelelwa. Ena onse uyo akafisa pa membu shakwe takatunguluke." Kabilo twalapila ku filubo fyesu. Ndelapila ku filubo fya bantu. Ndelapila ku filubo fyandi fine. Ndeipusha pa luse. Ndeipusha pa bundapishi. Ndeipusha pa kusenamina. Ndeipusha ukutila Imwe mwalapongolola Mupashi wa Mushilo, Shikulu, nomba line pali aba abantu balelolela, ukutila imyeo yabo yala cinja mucakubumbilamo cakwa Lesa, kabilo balabikwa mu cipasho ica Mwana wakwa Lesa, ukutila u Mupashi ulya u Mucincimushe, ukutila walaisa mumibili yabo nokupanga bena abana abame nabana abanakashi bakwa Lesa. Fikilisheni ico, Shikulu.

³²⁰ Natucetekela ukutila Imwe muli pano. Natucetekela ukutila Mwala fikilisha i Cebo Cenu. Natucetekela ukutila Mwala fikilisha ukubomba kwa Cebo. Nomba tumeni aya amapalo pali aba bantu ilyo balelolela pa Kubapo Kwenu ukutandalila bena pano pa cipailo. Mwi Shina lyakwa Yesu.

³²¹ Nomba, ngacakutila naucetekela, kabilo naucetekela ukutila naupokelela, imyako ukuboko kobe kuli Lesa. Ngacakutila naupokelela nge peepo lya cicetekelo kabilo no mulapo obe ilyo nomba pilibukila kuli Lesa, mukwimyako amaboko yobe.

³²² Kabilo lekeni ibumba liminineko. Umuntu onse eminineko, uyo uulefwaya ukulaya kuli Lesa, nomba mutile, "Na cetekela Ico. Nalapokela Ico. Nacetekela Ico."

³²³ Nomba imyeniko amaboko yenu kabilo Mulumbanyeni kabilo cena conse calapwa. Ubukata kuli Lesa! Twa Mitotela, Shikulu Yesu, pa busuma Bwenu na pa luse Lwenu, kabilo napali fyonsé

Mwatučitila Shikulu. Twa Mipela amalumbo ukupitila muli
Yesu Kristu.



INKOMBE YA MUCUNGULO BUSHIKU BEM63-0116
(The Evening Messenger)

Iyi Mbila na Munyina William Marrion Branham yaletelwe intendekelo mu Cingeleshi pali Citatu mucungulo bushiku, mu Kabengele kanono pa 16, mu 1963, ku Pentecostal Church of God mu Mesa, Arizona, U.S.A., yafumishiwa muli tape iyambulwa kibili nalilembwa ukwabulo ukulundamo mu Cingeleshi. Uku ukwilula kwa mu Cibemba kwa lembelwe no kupelwa na ba Voice Of God Recordings.

BEMBA

©2024 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Icishibisho ukufuma ku mwine kalemba

Insambu shonse tashisuminishiwe. Ili buku kuti ly a lembwa pali pulinta yapa ng'anda ku kubomfy a kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfy a ku kulomba indalam a ukwabula insambu shalembwa na ba Voice Of God Recordings®.

Nga mulefwaya ukwishesibilapo nafimbi nangu ukufwaya na fimb iifyabapo, twalomba tumeni kuli ba:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org